

PAMFLET

853



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
Pflr 853






Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
Pfl 853



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
Pfl 853



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
Pflr 853



IACOBI BASELII,
FIL. DE OBSIDIONE
BERGOPZOMII, AD EIVS VR-
BIS SENATVM COMMEN-
TARIVS.



BERGOPZOMII.

Ex officinâ Jacobi Canini, Civitatis Typographi,
Anno 910, 10 6111.

853

JACOBI BASSILLI
FILII DE CRISTIONE
BACCOFOMI, AD. EIVS VR.
EPISTOLARVM COMMEN.
TOME

DISTICHON CHRONICON.
AVTORIS.

OctobrIs nonò pos VI^{te} qVI Castra CaLendas,
I dIbV^s HIs panV^s CoLLegIt Vasa NoVeMbrIs.

KONINKL.
BIBLIOTHEEK
TE SHAGE.

EX OFFICINA JACOBI BASSILLI
BACCOFOMI, AD. EIVS VR.
EPISTOLARVM COMMEN.
TOME

AD LECTOREM.

Territorii Bergensis ea pars, in qua civitas nostra condita est, nostrâ linguâ (ut habent autographa & apographa agrorû antiquiora) Zoō appellatur. Ideo fortassis, quod totius Brabantie ad Occidentē ora extrema, & quasi instita sit. Ab hac ergo territorii parte, qua montosa, & variis collibus distincta est, nomen proculdubio accepit urbs. Errant itaq; Geographi, qui aquagium, sive fossam illam, que nostra demum memoria ducta est, (ut cespites è Bernardicis fodinis in urbē commodè subvehi queant) Zoom fluvium inscribunt, & ab eo nomen civitatem traxisse volunt. Nunquā enim Zoom fluvius extitit, & civitas idē quod hodiē nomē semper obtinuit, etiam quum aqueductus ille nondum esset, quem (quā per urbem labitur) non fluvium sed Grebbam sive cloacam appellamus, extrā urbē verò non aliud quam aqueductus nomen accipit. Non malē igitur Montem Zomii, eadem ratione qua Montem Hannonia vel si mavis, Bergop Zomium eam dicemus. Si enim Iulius Caesar Helvetiorum, Gallorum, & Germanorū nomina ita Latinè exprimat, ut vestigia linguae vernaculae non obscure extent, qualia sunt Ambiorix, Cingetorix, Orgetorix, Caromandus, &c. non video quid obstet, quominus idem nobis liceat. Hæc volui, lector, nescius ne esses.

Vale.



EPIGRAMMA EMBLEMATI-
CVM AVTORIS. DESVMTVM EX

versu 7. Psalmi 124.

Visco, arcu, pedicis, falcone & retibus auceps,

Effugiat ne quā, fervidus instat avi.

Libera & illa tamen celeri petit astra volatu,

Remigibusque alis dira pericla fugit.

Artibus, atque armis urbem tentavit Iberus,

Cassibus ut fieret prada cupita suis.

Artibus atque armis illusis, Optimus ille,

Maximus ille Deus, nos pius asseruit.



AMPLISSIMIS, ET
PRAESTANTISS. VIRIS AC
DOMINIS, D. ELIÆ LEONINO, PRÆ-
tori, Godifrido Guilielmi, & Gerardo Moermāno Coss.
reliquisque Senatoribus, ac Quæstoribus Reipub.

*Bergopzomana. Dominis & Patronis suis co-
lendissimis. S. P.*

ANte annos quatuordecim, viri *AMPLISS.* hic de
nostrâ obsidione libellus à me conscriptus, & vestræ
Amplitud. oblatus fuit, atque hætenus in vestris quo-
que scriniis delituit. Præstaret quidem illum porro de-
lirefcere, & nocte perpetuâ premi, quam temerè in pu-
blicum venire, & risum fortassis nasutioribus movere,
ob argumenti simul & styli sterilitatem, hoc præsertim sæ-
culo, quo nil, nisi quod tersissimum sit, & ab omni parte
perfectissimum, auribus lectorum gratum est acceptum-
que: Taceo exiguum hunc paucarum pagellarum, quem
videtis, numerum. Verum ad argumentum quod attinet,
unius fateor civitatis nostræ obsidionis historiam com-
plectitur. At memoriâ hoc dignum videtur: Irrito conatu
civitatem nostram à Principe Parmensi obsessam, & illum
tot victoriis clarum Imperatorem, nihil præclari post
nostræ obsidionis solutionem in Belgio gessisse. Si stylum
libelli spectetis, ornatius forsan loquentē, vel ipse (quo-
niam jam cum ætate judiciū accrevit) producere potuissē:
*Sed illum malui turbulentum illud, quo natus est, tēpus
redolere,*

Praefatio.

redolere, quam fucatum alieni temporis coloribus in lucem prodire. Exiguus autem & brevis quum sit, minus (ut spero) fastidii ac tedii lectori pariet rudis & inconcinna oratio. Liberum permitto suum cuique iudicium. Mihi suffecerit, vobis non refragantibus abortivū hunc foetum edi, ut extet amoris illius, quo amplissimum vestrum ordinē amplector, vel quaecunque mnemosynon. Mense Martio proximo, octodecim anni sunt, quod me Bruxellā profugum, in vestram civitatem hospitem & peregrinum receperitis, & Publico, quo hīc fungor, Muneri admoveritis. Ingratus sim, nisi eam Remp. in quā dimidiū ferē ætatis & vitæ meæ transegi, quo decet amore prosequar, & nisi eundem illum omnibus amorē, vel cum famæ quoq; meæ dispendio aliquo, declarare paratus sim. Statuerā quidē huic alium annectere cōmentariolū, de rebus precipuis quæ in urbe vestrā, à primis hūjus belli plusquā civilis contingere principiis (ut & ipsi vos à me postulat aliquando) ne solus hic scilicet, & incomitatus oberraret: Et ne solitudo hæc tantum misero suffunderet pudorē. Sed, modò id vobis non displiceat, periculum hic faciet maris ignoti, ut minori cum periculo me illi quandoque committam, si in sententiā perstetis vos, mihiq; & otium & ingenium suppetat ad ea præstāda, quæ vel voluisse laudalibe est. Præclarum sanē & utile foret opus (meo quidē iudicio) si quæ vos & passi estis, & toto hoc bello ipsi oculis vidistis, literis mandarentur. Nam quod primum & præcipuum in Historiā est, exempla plurima peti hinc possent, Benē prudenterque administrandæ Reipub. eo præsertim tempore, quum tumultibus, seditionibus & turbis plena omnia. Varietas quoque rerum mirabiliter non solum lectorem, procul dubio, afficeret, sed & Dei. O. M. Providentiā in rebus gubernādis, rerūque humanarum inconstantiam & mutabilitatem clarissime

Prefatio.

simè demonstraret. Nobis saltem dulcissimum esset, meminisse præteritorum, & intueri præsentia. Ipse ego mirabiles in urbe vestrà vidi metamorphoses. Vidi, quum nemo nostrum, non dico ab hoste, sed ab ipso nostræ urbis præsidio satis esset tutus. Vidi publica, vidi privata ædificia, ab insolenti & furibundo milite, vel ipso meridie, sine ullo metu dirui, & in prædam verti. Nunc vero Civium, Militumque summa concordia, Civitatis muniendæ cura & sumtus, Promontorium, Portus & Templum restaurata, Latinæ Linguae Gymnasium restitutum, Orphanotrophæum recens institutum, Ædificia, quæ quotannis extruuntur nova, Bibliothecæ Publicæ conatus, Officina Typographica, ante hunc diem Bergopzomii non visa, ut reliqua taceam, ampla satis indicia sunt mutati in melius status vestri, & Rempub. nostram viris non destitui, quibus illa curæ sit. Officina sanè Typographica vestra non parum me movit, ad libellum hunc typis vestris cōmittendum, ut scilicet de Repub. vestrà tractaret id, quod primi typi vestri in lucem darent. At ne verbositate nimia vos offendam, desino, unum hoc D.O.M. obnixè ac unice rogans, ut Ecclesiæ vos & Reipub. quam diutissime servet incolumes. E Musæo nostro, xxviii. Januarii die. Anno à partu Virginis c10. 100111.

VESTRÆ AMPLITVDINIS

Observantissimus cliens,

JAC. BASELIUS. F.

IACOBI BASELII, FIL.
DE OBSIDIONE BERGOPZO-
MII, AD EIVS VRBIS SENA-
TVM COMMENTARIVS.



BSIDIONEM Bergopzomii descriptu-
rus, ejus situm, statumque qualis ho-
die est, & paucis ante annis fuit, per-
stringam: Quandoquidem id ab in-
stituto hoc nostro neque alienum ar-
bitror, neque vobis P.C. (quibus
opellam hanc meam qualemcunque
dedico, consecroq;) ingrati fore existimo. *BERGOP-
ZOMIVM* igitur Ducatus Brabantiae, totius Belgii nobi-
lissimae Provinciae, civitas est, Dominii olim, nunc verò
benignitate Caroli Quinti Caesaris, Marchionatus titulo
insignis: Quae Romerswalia & Toletto, Zelandiae oppidis,
Antwerpiam navigantibus prima ad latus sinistrum, ori-
entem versus occurrit. Non avorum solum, sed nostrae
quoque memoriæ, Hispanis, Gallis, Orientalibus, Anglis,
Scotisque eam mercatoribus frequentantibus, emporiū
nobilissimum fuit. Media siquidem est inter opulentis-
simas Belgii provincias. Brabantiam dico, Flandri-
am, Hollandiam, Zelandiamque. Prioris enim ipsa non
contemnenda pars est: Antwerpia namque, nostri orbis
celeberrimum emporium, sex tantum miliaribus ab eā di-
stat. Reliquas tres, Flandriam scilicet ad Meridiem, Hol-
landiam ad Septentrionem, Zelandiam verò ad Occiden-
tem in conspectu habet. Nec deest portus longē com-
modissimus, qui Suytlandiam, Noortlandiamq; (sic enim
Australē, & Septentrionalem portus oram appellamus)
medius interfecans, ad anfractum illum, qui passus tan-
tum centum & septem ab urbe abest, in orientem con-

B

verti-

vertitur, sectusque in duo cornua Lingulam efficit, & intramœnia recipitur. Cornuum quod ad Austrum est, hydromylæ circumagendæ, salinisque, quæ nunc in urbe sunt extractæ, aquandis servit, quod verò ad Septentrionem, navium receptaculum est. Ipsa urbs intrâ pomeria passus bis mille triginta quinque patet. Aggere præalto, fossâ præterea & sepimentis ligneis, nonnullisque locis virgulteis, fabrilibusque etiam munita est. Varia quoque munimenta multâ humo congestâ ad urbis defensionem erecta sunt. Licet autem hodiè multarum ædium ruinis foedata miserè, & deformata sit, ædes tamen habitatas suprâ mille continet. Sunt enim aliquæ, quæ non penitus everse, effractis tamen tabulatis, ostiis & fenestris, habitari nequeunt. Ædes pulcherrimas, plateas, foraque habet amplissima, Nundinarium scilicet, Piscatorium & Frumentarium. Templum in superornato opere ornatissimum. Marchionis Aula amplissima, & magno civitati ornamento est. Coenobium Vestalium, cognomento Divitum, in Nosocomium mutatum est: Quod enim extrâ urbem erat Valetudinarium, ut cætera omnia ædificia, belli furor vastavit. Marchio Bergopzomanus Ioannes à Bergis, de mirigandis Reformatorum supplicijs in Hispaniam, ad Philippum regem, ab Ordinibus Belgij anno 1566. missus, eundem cum Montinio collega vitæ exitum sortitus, jussu regis, veneno sublatus dicitur. Ab ejus nece Bergensium res labi, retroque ferri coeperunt. Vidua enim, in gratiam Inquisitionis Hispanicæ, Fideles persequuta, eorum infantes, à Divini Verbi Ministris baptizatos semel, rebaptizandos curavit. Alios in exilium eiecit, alios capitali supplicio affecit, alios fidem abnegare coëgit. Non tamen vel hac ratione Tyrannum Albanum delenire potuit: Qui aulæ pretiosissimam suppellectilem, regiâ poenè gazam æquantem, hastæ subjecit, reditusque Marchionatus omnes, qui

am-

amplissimi erāt, fisco addixit. Marchio enim præter Marchionatum Bergensem, qui pagos complectitur xvii, arces tres, & Rugehillium (ubi nunc Guilielmostadium, ab Auraico Principe Guilielmo nomen sortitum) Comitatum quoque Walheimensem in Brabantia Gallicā possidebat. Quæ omnia, Pace demum Gandavensi, hæredibus restituta sunt. Suytlandiam mare plus solito exæstuās, anno 1570. aggere nudavit, nocte illā, quæ secundum Novembris præcessit, totamque illam planiciem, quæ inter Portum & Continentē est, quotidianis fluxibus etiamnum inundans, Pacis quidem malam, sed belli tempore utilem civitati navat operam.

Priore bello civili Bergopzomium ab Hispanorum partibus stetit: Quo tempore parum absuit quin à Zelandis improvisò caperetur. Murum namque jam nonnulli eorum ad Australem molam superarant. Et nisi Italus quidā miles, qui civitati præsidio erat, dum per moenia benè manè obambulat & excubias lustrat, eos conspicatus esset, urbem procul dubio occupassent. Hujus igitur interventu detecti, & duobus e suis desideratis, ac aliquot insuper vulneratis, relictisque, quas muro admovebant, scalis ad naves se (quæ in Schaldi erant) receperunt. Ex portu nostro solvit Classis illa, quæ Middelburgo obfesso, & in extremas angustias redacto postremam opem ferre conata, Illustrissimi Principis Auriaci auspiciis, ductu vetò Lodoici Boisoti, Zelandorum Archithalassi (ejus qui Lugdunum Batavorum obsidione liberavit) non procul à Romerswalia, prælio navali, anno 1574. secundo Iannarii die, superata est. Pace verò inter Belgii Ordines, anno 1576. octavo Novembris, Gandavi factā, & Ioanne Austriaco bellum renovante, anno 1577. octavo Augusti, dedente sese Germanorum præsidio, quod Hispanus imposuerat, operā & industriā Champinii, Cardinalis Granvelli fratri in Ordd.

Confoederatorum potestatem venit. Germani arcem Woudanam quadraginta circiter militum praesidio tenebant. Hanc Elias Leoninus (qui tum alae equitum praefectus erat) summo mane occupat, praesidiarijs omnibus caesis, uno solum excepto, qui nudus electo se proripiens Bergopzomium profugit, & socios (rem gesta exponens) non parum consternatos reddidit. Hanc igitur occasione arripiens Champinius, copias suas, quas non ita magnas, via militari, Antwerpiam adduxerat, magno tympanorum, tubarumque strepitu per sylvam Bergensem, ad coenobium, quod extra Vestalium (Beguttas vocant) portam erat, totam noctem raptando, hoc egit, ut Germani nihil aliud existimarent, quam Belgas omnes, quotquot essent, ad se obsidendum venisse. Ortâ quoque luce, magnum navium numerum, merces Antwerpiam deportantium, vela facere conspicati, bellicas esse naves omnes sibi persuadent, obsidionemque terrâ, marique parari autumant: Sibi quoque ipsis nulla non pericula somniantes, etiam de civium fide subdubitant. Interim in urbem missus Iacobus Vossius, civis quidam Bergensis, partes suas strenue agit. Vires Champinii multis verbis magnifice praedicat, augetque: Nisi se dedant, actum esse de omnium salute: Champinium iam moliri civitatis expugnationem: Missum se ab eo, monitum ut suae vitae consulant, nec se eant perditum. Et ne vel minimo quidem ad consultandum spatium dato, ad Champinium se redire velle simulans, Germanis jam satis superque percussis, tantum miseris metum incussit, remque eâ deduxit, ut fuggerum tributum, & civitatem ipsam Champinio, armaque in super omnia tradiderint, ne viatico quidem accepto, quo se domos suas conferant. Post pacem Gandavensem, Reformatae Religionis homines primum clam, postea verò publice, conniventibus Ordd. imò & templa concedentibus, totâ Brabantiam, Flandriamque conciones habere coeperant.

perant. Id demum & Bergopzomii aggressi sunt, quod multorum motuum occasio in civitate exitit. Dum enim alii, præsertim Sacrificuli, conciones istas haberi nolunt, alii vero habendas esse censent, rixæ inter cives & altercationes plurimæ. *Joannes Withemius*, Dominus Berselius, anno 1578. trigesimo primo Ianuarii die, uxorem duxerat *Margaretam Merodiam*, Ioannis à Bergis in Hispaniâ sublata ex sorore neptem, & hæredem. Summo is odio Religionem Reformatam prosequabatur. Tentaverat ergo aliquoties militem clam in urbem adducere, ut Reformatos ab exercitio Religionis suæ prohiberet, ipsosq; ex urbe eiceret. Nec deerat Sacrificuli, qui equo (ut dicitur) currenti calcar adderent. Quum igitur Marchio, & Sacrificulorum collegia, aliique renascentem Evangelii Lucem omnibus modis extinctam cuperent, Reformatisq; carceres, exilia, supplicia, mortemque minitarentur, ad suis in Religionem odiis effecerunt, ut quum iussu Archiducis Matthiæ, qui literas eâ de re ad Senatum 26. Septemb. anno 1578. dederat, unum tantum templum Reformatis concessum esset, cæteraque omnia à Catholicis (quos dicunt) tenerentur, milites prædiani, qui inter has turbas ab Ordd. Bergopzomium missi erant effractis templorum valvis, in Imagines & reliquam Missaticam suppellectilem sæviendi occasionem hinc arripuerint. Factum id est octavo Novembris, anno 1580. Bredam interim proditione hostis occupat. Et ne Bergopzomium simili ratione eidem cederet tandem, Lagardius, Gallus, connivente (ut ferebatur) Principe Auriaco, & conatum juvantibus uno atque altero milium præfectis, qui in urbe erant, clam cives, in urbem admittitur, atque illi præsidium Gallicum imponit. *Agre* id tulit Marchio, qui jam nō minus Gallorum, quā Reformatorum odio flagrabat. Quum Galli igitur, ob non soluta stipendia seditionem facientes, multa insolenter agerent, Woudam se in arcem

B iij recipit.

recipit. Hinc (instinctu & suasu sacrificuli cujusdam) hostem in auxilium vocatum ad urbem ducit, ut eam illi in manus tradat, duorum civium proditorum ope nixus. Septum ad Vestalium portam erat, ut aquæ ductu (quem zoom fluvium perperam nonnulli appellant) in cloacam (quam Moergrebbam vulgò nuncupant) omnium purgamentorum totius civitatis receptaculum immisso, sordium colluvies per portum expurgeretur. Septo igitur hoc recluso, hosti aditum in urbem aperuerunt. Et certe urbe potitus fuisset, nisi metus nescio quis proditores istos cives in fugā coniecisset. Convenit enim erat, ut illi intromissum militem ad portā Ligneam, quam vocant, deducerent quæ infirmior erat, & nullo labore effringi poterat. Noortlandiam nostram hæc spectat. Nomen autem à ligno habet, quod curribus rure ad vectum in naves hic in Hollandiam vel Zelandiam transportandum imponi solebat. Objecto munimento, quod exitum omnem occludit, nulli nunc est usui. Dum verò fugiunt, & in cloacam (pluribus enim locis fornicata hæc est, quæ subter domos, & viarum striata ducitur) sese abduunt proditores, stabat hostis, qui jam forum Frumentarium portæ & septo (de quibus diximus) proximum occupaverat, viarum ignarus, quò se verteret nescius. At audicatum mirabilem. Inter hostium præfectos quidam erat, Sebastianus nomine, ejusdemque nominis Gallorum, qui civitati præsidio erant, præfectus quoque fuit. Quum verò ad arma conclamatum esset, miles quidā Gallus, qui sub Sebastiano illo nostro merebat, cum armis ad Vestalium portam tendebat eo consilio ut sociis, quos illuc stationes habere arbitrabatur, se jungeret. Incidit hic in hostem forū, ut diximus, occupantē, hæc enim ad portam illam via est. Rogatus Gallicè, Quis esset, Miles, inquit, Sebastiani. Illi commilitionē putantes, & (quæ videbant aliunde advenire) viarū illum situsque civitatis gnarum existimantes, rogabant: Quæ (utar enim verbis illorum)

Ala

A la porte de Hou, iretur. Sic enim, qui Gallis mos est, corruptè Belgicum illud, *De Houte Poorte*, reddebant: Ille socios existimans (quod in tali rerum perturbatione plerumque fieri videmus) pro *La porte de Hou*, *La porte de Wou* intelligens, Me, inquit, ducē sequimini: Hostēque non ad Ligneam, sed Woudanam portā deducit. Hæc firmior erat, quam ut instrumentis iis, quæ secum appor-
taverant, effringeretur, ut ut sedulo in hoc incumberent. Hic Gallus ille tum ex madefactis vestibibus, (fossam enim tranaverant) tum ex instituto hoc animadvertens hostes eos esse, proripuit sese. Nostri milites de fugā cogitabāt. Imò erant qui se ex urbis moenibus præcipites darent; Principique Aurāico (qui tum temporis Antwerpæ erat) renunciarent, Bergopzomium ab hoste caprum. Hic verò Valkenburgi vigiliarum præfecti, quum cives nondum à Gallis seditionē concitātibus armis exuti essent, & Laleinū Gallici cujusdā præfecti, virtus enituit. Qui uno ferè tē-
pore, diversis itineribus, paucis comitati hostem fortiter aggressi sunt: Nec solum ab effractione portæ prohibue-
runt, sed & in fugam propulerunt. Magnus hīc hostium numerus captus & cæsus. Capti quoque duo isti proditores cives, de quibus supplicium sumtum, postquā con-
scios indicassent. Illorum quidem nomina hæc sunt. Eu-
stātius Adriani, & Antonius Cornelii. Prior faber ligna-
rius, posterior figulus erat. Inter conscios verò, & horta-
tores, authoresque sceleris nominarunt Marchionem ip-
sum (cujus nomine nobilis quidam suspendium illis mi-
natus esset, nisi imperata facerent) Stephanum Langri-
cium sacrificulum, Margaretam tinctricem Iesuitā, ac ali-
os nonnullos. Diffugiunt reliqui, & quā irrepsent in
urbem evadunt nunciaturi rei eventum Marchioni, qui
cum equitibus ad portam Ligneam stabat, omnemque
movebat lapidem, quò illam effringeret: Adeò ut parum
abfuerit, quin pulvere tormentario propugnatoribus de-

ficiente, in urbem vi irruerit. Dubius hærebat, nec quid sibi vellent illa suorum, quos in urbe esse sciebat, mora, satis intelligebat. Audirã verò illorum fugã & cæde, dolore & irã percitus Woudam, undè venerat, se recepit: Quumq; nihil posset amplius, arcẽ hosti permisit. Accidit hoc quinto Decẽbris die sub ipsam aurorã, anno miliesimo, quingentesimo octuagesimo primo. Et hunc quidem exitum Marchionis conatus est sortitus, quem totius Marchionatus devastatio, (vel hosti miseranda) qualem hodie videmus, subsequuta est. Marchio ipse hostis declaratus, & bona ejus omnia fisco Ordd. addicta. Arcem interim Woudanam nostri post menses quinque, magna tormentorum vi concussam, deditibus sese præsidariis, recuperant. At Galliarcem Burchvlieranam, quò Marchioni ægrè facerent, incendunt. Et quia cives fuerant, qui civitatẽ hosti prodece tentaverant, nullos non proditoris accusant. Multa non insolenter solum, sed crudeliter quoque in cives perpetrant. Aded ut major pars civium, bonis omnibus relictis, clam in Hollandiam, Zelandiamque profugerent. Hi quicquid reliquerant, militibus in prædam cessit. Qui ut ad summam insolentiam nihil reliquum facerent, ædes insuper profugorum diruerunt. Et quoniam in ruinarum nostræ urbis mentionẽ incidimus, paucis referam, quantũ sit mutata ab illã, quæ antè exortum hoc bellũ fuit: Pagi, vici, villæque omnes, xenodochia, coenobiaque omnia, quæ extrã urbem erant, atque ipsa quoq; suburbia, quæ amplissima fuẽrũt, itã sunt subversa, ut ne vestigia quidem eorũ supersint. Bergensis sylva per belli tempestatẽ arboribus suis spoliata, ne sylvæ quidẽ speciẽ præ se fert ampliùs. Salinæ quæ in aggere Boreali erant, igne à Zirizæis, priore bello civili, submisso in cineres sunt reductæ. Figlinarũ, quæ ad portã Lignẽã erant plurimæ, ne rudera quidẽ invenias. Quũque nulla ferẽ civitas totius Belgii sylvis, pomariis, omnisque

nisque generis arboribus in quincuncem digestis, magis ornata fuerit, intrā primum tamen ab urbe lapidem nulla arbor, cuiuscunque generis restat. Animus referre horret, quæ & quanta mala, à militibus propter non soluta stipendia tumultuantibus, sæpius passi fuerint cives, dum illos hospitio excipere non solum, sed & victum, omniaque necessaria subministrare coguntur. Miserum sanè spectaculū, præter Minoritarum templum, & sacella aliquot, ædes quingentas, & plures quoque, in ipsa urbe everfas cernere. Quod quidem malum (ut diximus) à Gallis, integrū ferè annū octuagesimum primum seditionē cōmoventibus, initium cepit: Verum nihilo segnius, nō ab Anglis modo, Scotisque, sed & à Nostratibus quoq; militibus longo tempore continuatum fuit. Quos nullo modo excusandos arbitror, vel eo nomine, quòd in populares, & ipsius Patriæ viscera tam atrociter sævierint. Verum ut ad institutum nostrum revertamur: In Brabantia Flandriāque feliciter pugnat hostis. Desperatis itaque Brabantiae rebus, in Noortlandiam nostram mare, diversis locis soluto aggere, immittitur, ut Oceano utrāque portus oram occupante, via hosti, ad portum intercludendū, eriperetur. Licet ergo multò aliter Marchionis conatus cecidisset, quā speraverat hostis, tamen ad ingeniū & consuetas technas, post annū unum atque alterum rediens, idem quod per Marchionē tentaverat, per Beerwoutium urbis Præfectum aggreditur. Lagardio hic ab Alenconio, cum præfidiariis Gallis, in castra tandem evocato, anno 1582. mense Majo, in Præfecturā successerat. Rege siquidem Hispaniarum vigesimo sexto Iulii, anno 1581. ob crudelitatem & tyrannidem ab Ordd. Belgii abdicato, Franciscum Valesium, Ducem Alenconium, Galliae regis fratrem in Ducem Brabantie elegerant. Paulum autem Boboquam, Italum, Steenbergæ Præfectum, præfidiarii nostri captivum adduxerant. Hic ut erat vaser, eo tan-

B v

dem

dē Beerwoutium pertraxit, ut civitatē & propugnaculum Valkenburgum (reliqua enim tum temporis nondum erant) hosti se traditurum promitteret. Valkenburgum igitur, Propugnaculi Præfectum, in urbem frustra evocat. Ille enim venire pernegat. Fides siquidem Beerwoutii jam tum illi suspecta erat, ut & multis aliis.

Ille verò videns hac non succedere, idem aliā aggreditur viā. Petit milites aliquot in propugnaculum admitteri. Caussabatur, se ab exploratoribus accepisse, hostem propugnaculi expugnationē moliri, & præsidium infirmius esse, quā ut adversus hostium imperum se, & propugnaculum defendat. Sed furdo canit. Beerwoutius sedulò instare: Eliam Leoninum, Prætorem urbis, Godfridum Guilielmi, Consulē, & Franciscum Pauli Concionatorē, missitare, qui eò illum adducant, ut militem recipiat. Illi verò dolum, proditionemque subodorātes, imperata non faciunt: Quin contrā Valkenburgus auctores sunt, perstandi in sententiā. Interim varii rumores (ut fit) de Beerwoutio sparguntur. Valkenburgus quoque, & alii nonnulli, quid rerum ageretur, Ordinibus significant. Ordd. ergo de ejus fide & ipsi subdubitant. Hemmerus Vir nobilis, Baxiique, Paulum & Marcellum dico, qui civitati præsidio erant, Beerwoutium observāt, & ne quid in detrimentum civitatis agat, sedulò cavent. Ille per exploratores aut se cognovisse, magnum plaustorum numerum esse in itinere, quæ hosti, Antwerpiā obsidenti, omnis generis cōmeatum subvehāt, & nullo labore a nostris intercipi queant, si modò, eruptione factā, ductores, qui pauci essent, obtruncaverint, Nocte igitur portas recludi imperat, quò militē emittat. Sed quia eo consilio facere id videbatur, ut equites peditesque in spem prædæ ex urbe eliceret, eosque hosti fortassis mactandos objiceret, atque ita civitatē omni præsidio nudatā hosti expug-

nan-

nandam offerret, negant se hoc permissuros præfecti. Vrbi se præsidio missos esse, non plaustorum, quæ hosti commeatum subvherent, direptioni: Et si fortè alias cōsultum id videri possit, non tamè hoc tempus, qui rerum status est, illud permittere: Iniquissimum esse, propter incertam exiguæ prædæ spem, urbem tantis periculis exponi: Meminerit hostē in viciniā esse. Tandē verò Ordd. de ejus perfidiā plenius edocti, illum ad se in Hollandiam evocant. Lupum ille auribus tenet, animusque, (ut qui in dubio esset) facili momento hac illac impellitur. Videt nihil, quod ad prodicionem faceret, ex animi sententiā succedere, & fraudem, quam hætenus texerat, ne Ordd. quidē latere. Si in Hollandiā se conferat, suæ vitæ timeret: Sineget ad Ordines accedere, prodicionis reum se ipse facit. Ad hostem ergò transfugere statuit. Quò autem præsidarios fallat, scapham conducit, assumptoque uno tantum famulo, Hollandiā circà vesperā se petere simulat.

Et jam ad Toleti ostium pervenerat, quum Antwerpiam versùs navigationem instituere nauclero imperat, esse enim quod ageret in classe, quæ contra hostem in Schaldi excubabat. Obtemperat ille. Vbi ad eam Flandriæ partē, (Doelium vocant) quæ ab hoste tenebatur, ventum erat, in littus scaphā dirigi iubet. Excusante se nauclero, quòd is locus ab hoste teneretur, mortē, nō faciat, minatur. Atque hic quidē Beerwouticæ prodicionis exitus fuit. Supplicii verò loco, quod hac rarione effugere visus est, illi procul dubio nunc est, re ipsā experiri, quam verum hoc sit, vulgò quod dici sciet, Proditiones quidem ipsas Principibus esse gratissimas, acceptissimasque, omnibus verò à naturā insitum, ut proditores cane pejus & angue oderint. Paulò post . 17. scilicet Augusti anno 1585. Antwerpia hosti deditur. Confoederati ergo Belgii Ordd. Elisabetham Angliæ reginam,

Reginam, de auxiliis interpellant, certisque conditionibus cum eâ transigunt. Robertum Dudlæum, Leicestriæ Comitem, illa cum auxiliis, quæ promiserat, in Belgium mittit. Ordd. hunc Provinciis Confœderatis omnibus præficiunt. Mortuo vero Domino Marketta, qui non ita pridem ex Flandriâ advenerat, famem in Yprensi obsidione plusquam Saguntinam passus, quique in locum Beerwoutii successerat, Bergopzomii Præfectura Philippo Sydnæo, Anglo, Equiti, Hiberniæ Præregis filio, viro doctissimo, anno 1586. commissâ est. Flissingæ is, atq; omnium Zelandicorum militum Summus Præfectus, è vulnere, quod in obsidione Zutphanienti fortiter pugnans acceperat, Arnhemii cum magno Reipub. dolore obiit. Ab eo autem tempore Anglorum præsidio, sub Ordinum tamen imperio, civitas nostra credita est. Sub quibus nunc tandem à veteribus malis paululum respirare videtur. Ædes certè nemo amplius demolitur: Imo multæ, quæ ruinis erant proximæ, restaurantur.

Brabantia autem totâ (uno Bergopzomio excepto) sub jugum missâ, præsidarii nostri milites crebras instituerunt excursiones, eo præsertim tempore, quo Princeps Parmensis copias suas omnes Dunkercam evocarât. Hic enim præstolabatur classis Hispanicæ adventum, apparaveratque ingentem & ipse classem, minorum ferè navium. Rex siquidem Hispaniarum Philippus magnam navium apparatus in Lusitaniâ coegerat, ex qua regem Antonium recens expulerat. Dunkercæ igitur, oppido Flandriæ maritimo, Parmensem præstò esse iusserat, ut classi Hispanicæ, quæ majorum erat navium, se jungeret. In animo namque habebat, semel omnes hæreses (ut ipse in postremo jubilæi edicto ait) omnesque Sathanæ ministros, ipsâ Angliâ præsertim multo Sanctoꝝ Martyrū sanguine foedatâ, cunctarumq; pestiferarū sectarū seminarium, eradicare stirpitus. Facere hoc, Sacræ, Apostolicæ,

licæ, Romanæ Sedi debitâ obedientiam, zelumque illum, quo Religionis propugnator, & defensor totus ferveat. Et certè talis hic fuit apparatus, qualem Oceanus noster antehac nunquam viderit. De classe hac libellus Michaëlis Eysingeri, Austriaci, ejus qui Leonem Belgicum nobis edidit, Coloniae impressus extat. Hunc consulant qui accuratiorem ejus descriptionem postulant. Hoc unum addam, tantam hinc, qui se Catholicos dicunt, Religionis Reformatæ extirpandæ concepisse spem, ut Eysingerus ille, sub calcem libri, addere non dubitaverit distichon, 'quod sequitur. Ad Anglam, inquit, & Ejus Affeclas.

Tu, quæ Romanas voluisti spernere leges,

Hispano disces subdere colla jugo.

Sed triumphum ante victoriam, imò ante conflictum ipsum cecinit miser. Primo enim congressu, non procul ab Edistonio, oppido Angliæ, capitur Petrus Valdesius, Baeticæ classis Thalassiarca & summus præfectus, cum prætoria suâ navi, quæ milites vehebat 304. nautas 118. aenea autem tormenta 50. Eodemque tempore triremes amissæ quatuor, atque alia quoque navis immensæ magnitudinis, immisso ab Anglis igne, deflagavit. Caletum nihilominus tandem appulsam, & in anchoris stantem, toti mundo formidabilem classem Angli secundò aggrediuntur, aestuque ac vento secundis, naves quatuor pice, sulphure, variâque materiâ, igni fovendo accommodâ, stipatas, accensasque in illam dirigunt. Ut incendium fugiant Hispani, anchoralia præcidunt, seque in altum dant, relictis, unâ atque alterâ, magni momenti navibus in prædam. Magnis animis Angli insequuntur, nec à majorum tormentorum dislosionibus vel minimum temporis punctum cessant, adeò ut plurimas ex hostilibus navibus ita mutilaverint, ut mari hausto aliæ submersæ, aliæ verò captæ fuerint. Qua de re libelli quoque

edui

editi sunt. Nec suis laborantibus auxilio Parmensis venire potuit. Hollandi enim, Zelandique portum Dunkercanum classe objectâ ita seperant, ut classem, quam instructissimam habebat, non eduxerit. Dum autem septimanas aliquot Hispanicæ classis reditum frustra præstatur (cujus reliquæ non jam Angliam, non Belgium, sed Hispaniam votis omnibus, summisque conatibus petebant) quotidie ad ipsum Brabantorum querelæ Dunkercam deferrebantur.

Clamitabant hi, omnibus Brabantiæ civitatibus in gratiâ receptis, devictisve, unum restare Bergopzomiû, latronû deterrimorum speluncam: Hinc magno numero pedites, equitesque emit quotidie, qui mercatores ad se cômearantes, & quæ ad cives suos alendos pertinēt importantes caperent: Nec hos solum, sed ipsos quoque cives & agricolas suos in vincula conjicerent, Bergopzomiumque raperent, non nisi pretio maximo redimendos. Et quidem tolerabilius fore hoc malum, si in oppidis saltem ruti essent: Negare hoc Beeringium Eburonum, Vilvordium, Geldernacumque Brabantorum, capta & direpta. Pagos, vicosque omnes per hos rebellibus tributarios fieri: Si qui verò tributum pendere nolint, eorum pagos incendiis deformari, abigi pecora, prædia diripi, colonos in captivitatem abduci. Latitare illos in sylvis & dumetis: Rarò apertâ viagere quicquam: Si se illis opponere velint, quærendum esse hostem, ut vincatur, nec inveniri. Si Bergopzomio admoveat illum tot maximarum urbium expugnatorem exercitum, gaudium, quod ex classis Hispanicæ discessu concepissent hostes, in luctum mutatum iri. Quin Bergopzomio capto, viam sterni ad invadendas Insulas Zelandicas omnes: Vno sanè labore Toletum & Bergas capi posse. Vrebat hominem fugatæ classis

Hispa-

Hispanicæ, & Angliæ (quam jam imaginatione invaserat) ex faucibus ereptæ dolor. Et malè apud Hispanos audiebat, quòd Classi Hispanicæ laboranti opem non tulisset. Quò igitur notam ignominie suo inultam nomini deleat, Bergopzomium in potestatem redigere statuit. Ab hoc itaque tempore, varii rumores de obsidione Bergopzomii non in Belgio solum, sed in ipsâ quoque Angliâ spargi. Adeò ut Regina, literis 27. Augusti, anno 1588. ex arce Groenwicensi datis, Ordd. hac de re certiores reddiderit. Sub initium autem mensis Septemb. spe omni de classis reditu sublatâ, quum Dunkercâ exercitum in Brabantiam duceret Parmensis, tum verò uno omnes ore affirmare, Bergopzomium peti.

Quumque equites Baxiani, qui exploratum missi fuerant, captivos duos adduxissent, ex illis intelligunt, nihil esse futurâ obsidione certius. Captivorum unus, se ex Tribuni Armamentarii nobilibus, dicebat: Alter ex annonæ præfectis erat. Quum hos primum nostri propè arcem Eckeranam adorti essent, & quò vellent rogitarent: Respondent illi, Regiam se Exercitum, Bergopzomium obsidentem, petere. In urbem verò adducti affirmabant, omnia ad obsidionem necessaria jam parata esse. Imò exercitum esse in itinere, seque illud unum, antequam caperentur, opinatos, urbi jam admotum, admiratosque suprâ modum fuisse, quum aliter habere se rem, ipsi oculis corâ inspexissent. Addebant in exercitu esse, triginta sex armatorum millia, si pedites, equitesq; numeres.

Nono igitur ejusdem mensis, Baro Willugbæus, Regiarum Copiarum Summus in Belgio Præfectus, Bergopzomium appulit. Guilielmum Druræum Equitem hic civitati præfecerat. Sequenti die, armilustrium fuit, Conquisitoribus numerum armatorum ineuntibus. Erant autem peditum signa 12. Quorum 9. urbi, 3. verò reliqua.

reliqua propugnaculis praesidio erant. His addebantur equitum vexilla 4. Belgicis duobus, Baxii fratres, Paulus, Marcellusque: Duobus autē Anglicis, Parkerius & Poulius praeerāt. Poulius enim, nobilis Anglus, Willugbaenos ducebat. Ingens quoque tormentarii pulveris vis ex Hollandiā advecta est. Propugnacula, quæ dicimus, in portu sunt. Nam, quia portus longior est, quam ut ab oppidanis commodē defendi queat, varia illi propugnacula imposita sunt. Portus enim ostium ab urbe passus mille & sexaginta quinque abest. A Divi autem Iacobi portā passus primo 107. in Septentrionē vergit, hic verò in occidentem conversus ad promontorium ducit. In hoc igitur ipso anfractu prius propugnaculum erectum est: Quod, quia omnium est minimum, Minus dicitur. Alterum, passus tantū ab ipsā promontorii extremitate 264. distat, nomenque, à primo suo praefecto, Valkenburgū, accepit. Traiectus hic est in Septentrionale propugnaculū, quod à portā lignēā 593. passibus abest. Valkenburg, quā Zuytlandiam spectat, militare sepimentum, (Novum Castellum vulgò) additum est, quod à Valkenburg sola fossa dirimit. Fossæ aquā emissarium in portū emittit, sistitve, obicibus demissis, vel reclusis, prout visum fuerit. A Novo verò Castello, fossa (Portus Novus vulgò) ad ipsam urbem effodi coepta est. E regione Minoris propugnaculi agger Borealis dissolutus est, ne hosti ad Septentrionale propugnaculū e continenti aditus sit. Willugbaeus autē, ut, quæ ad urbis propugnationē facerent, procuraret, ad Ordd. proficiscitur. Prius tamen de muniendā urbe cum Senatu egerat, atque ipso postulante, Senatusconsulto decretum fuerat, ut civitate in vicos octo divisā (quibus Senatores singuli praeficerentur) cives iis locis, quibus urbs infirmior erat, operaretur. *Coss. tum civitati erant, Franciscus Mantacus & Petrus Suytlandius.* Senatores Verò Guilielmus Franciscides, Vir consu-

consularis, Cornelius Iasenius, Cornelius Dionysius, Marcus Martinus, Adrianus Ioannis, Ioānes de Clerck, & Isacus Caspari. Quæstores autem Marinus Nicolaius, (vir consularis & senatorius) & Nicolaus Ranstius. Quoties autē Senatoribus, gravi de causā, operi interesse integrum non esset, selecti erant ex primariis uniuscujusque vici civibus, qui vices eorum servarent, munusque obirent. Quarto igitur ab adventu Willugbæi die, ad D. Iacobi portā, quā ad promontorium iit, novam munitionem cives aggrediuntur, aggerisque transitum, qui à portā ad Novum, quem vocant, Portum tendit, lorica obductā sepiunt. Ad virgultea illa sepimenta, quæ duplici ordine in muri radicibus inter turrim illā quæ à pulvere tormentario nomen habet, & portam cui sylva nomen dedit, civitatem ambiunt, lorica effodiuntur: Et quotidie in variis operibus faciendis multum operæ infumitur. Via Woudanā ostendunt sese aliquot hostium equites. Excubitor specularius, eos è turri conspicatus signum & tubæ & nolæ sonitu dat, adesse hostem. Præfectus civitatis Druræus, cum paucis armatis, primus hosti obviam procurrit. Cedit hostis. Præfectum sequuntur equites, peditesque ferè omnes. Ille verò cum paucis istis, quos diximus, quique equites erant, ad pagum usque Woudam hostem insequitur: Cæteri equites peditesque medii inter tumulos Bergenses, qui Woudā euntibus ad sinistram, Auxtermieriosque, qui ad dextrā sunt, in ipsis Woudani Ericeti faucibus, sistunt sese. Redit interim Druræus, amisso uno ex suis equite, & equis duobus. Ad coemiterium enim usque (ubi magnus hostiū numerus confederat) penetraverat, & pugnā velitari cū hoste dimicaverat. Prudentiores factum hoc Præfecti improbabant, quòd nimio pugnandi zelo, & se et civitatem periculo non minimo exposuisse videretur. Numero enim & viribus ab hoste superabatur: Longius
C quoque

quoque processerat, quam ut commodè se ad urbem recipere potuisset, si hostis impressionem fecisset. Ab eruptione reversus jubet rescindi pontem, qui ad Helstedianū munimentum erat. Redemptores enim operis munimentum ponte junxerant, ut terrā ex Varibogardo monte plaustris advectā, opus absolverent. Cornelius quoque Iansenius, Senator, à Magistratu legatus in Zelandiam mittitur, cum his mandatis: Quandoquidem hostis urbis obsessionem minitetur, eumque in finem Woudam cum exercitu venerit, atque urbi de rebus ad propugnationē necessariis parum sit prospectum, s. p. q. b. etiam atque etiam rogare, & per commune foedus obrestari Zelandiæ Ord. ne se, in harum rerum difficultatibus, deferant. Rē agi cōmunem: Bergopzomio periclitante, insulas Zelandicas nō omnino extrā teli jactum esse. Sequenti die, qui erat decimus quartus, navis ex Zelandia appulit, assamentis, perticisque onusta. Quia verò, durante obsidione, diversis tēporibus summā nobis diligentiā submīssa omnia illa, quæ ad civitatis propugnationē necessaria erant, semel dicam, Ab Hollandiæ & Zelandiæ Ordd. Senatuque Dordraceno, satis superque civitati fuisse prospectum, de frumento, butyro, caseis, halecibus conditaneis, asellis salitis, avenā, stramento, foeno, pulvere tormentario, assamentis, asseribus, perticis, clavis, glandibus plumbeis, igniariis, hastis, viminibus ad crates vimineas conficiendas, ligonibus, marris, corbis dosuatiis, vehiculis trusatilibus, atque iis omnibus, quæ in urbibus obsessis requiruntur. Zelandiæ quoque Ordines majora Serpentina Lusitanica quinq; misere, quæ globos 16. librarum pondo in hostem detorquerent. Erant hæc ex iis, quæ Petrus Duza, Hollādiciæ classis Legatus Piemontelio, superata ad Blancobergam prætoriā ejus navi (Galeonem vocant) Flissingamque adducta, eripuerat. Quū verò hostiū equitatus viā V Voudanā rursus se spectandum.

dum præbuiſſet, facile à noſtris, quia pauciores erant, repulſi ſunt. Circà hoc tempus toto illo tractu, qui inter Calmthoudiũ & Roſedaliã eſt, crebri cernebantur ignes. Excitabantur hi ab hoſte iter Calmthoudio Steenbergã faciente, ut viribus collectis impetum in Toletanã inſulã faceret, quemadmodũ res ipſa poſteà declaravit. Nocte enim illã quæ 17. Sept. præceſſit, hoſtis magno numero, ductu Montinii, per Matrebergensem aggerẽ ad flumen Eendrechtium acceſſit, eo cõſilio ut inſulã, quã diximus, invaderet. Totus autẽ Toletanus agger, præſertim quã vadum fluminis, mari reſſuo, pedibus transiri poteſt, continuã loricã ſeptus eſt, atque ubi opus, præſidia quoque & caſtella ſunt diſpoſita. Inſulæ præfectura Comiti Solmenſi ab Ordinibus cõmiſſa fuerat. Hic ubi hoſtis flumen transire conabatur, ripa eſt juſtæ amplitudinis, ex ad verſo verò in Toletano aggere caſtella tria ſunt, quorum prius, quod ad Meridiẽ Toletum ſpectat, Botſhoofdũ ab incolis dicitur: mediũ à formã quadrangulã Papenmuſſe noſtrã linguã denominatur: Tertium quod in Septentrionẽ vergit, Novus Trajectus nuncupatur. Mare receſſerat (Eendrechtium enim æſtu maris creſcit ac decreſcit.) Imperu facto, flumen ſuperare peditũ vexilla aliquot nituntur, hic ubi medium illud propugnaculũ, de quo loquuti ſumus, extructum eſt. Reciprocatio autem maris tanta non erat, quantã expectaverant: Ætus quoq; violentior fuit, quam cui reſiſtere poſſint: Multi ergo vorticibus abſorbentur, multi ſclopõrum glãdibus à propugnatoribus transſiciuntur. Pauci tamen ulteriorem ripam jam tenebãt, & crepidine fluminis contra ſclopõrum ietus recti reliquos ad ſe vocabant. Quod quum fruſtrã fieret, ad ſuos, qui jam fugæ ſe dederant, recipere ſe coactos flumen hauſit. Iis, qui in flumine erant, perumpere conantibus, illi qui ripam & aggerem citiorem tenebant in propugnatores ingentẽ plumbeorum globulorum gradinem

dinem emittebant. Vnus tamen solummodò ex propugnatoribus occubuit. Gregarius hic miles erat, & sub præfecto Berchemio militabat, hostis verò suprà ducetos ex suis desideravit: Qui quum impressionem faceret, vix quadraginta propugnatores erant: Mox verò præfectus Lagrous ex oppido Toletum cum suis auxilio advo-
lat. Toletani autem licet fortiter hostem rejecissent, minimè tamen securi erant, quòd scirent illum non temerè, sed eo animo insulæ invasionem tentasse, ut illà devictâ Bergensibus, & toti Zelandiæ negotium facefferet: Colli-
gunt ergò brevi, nocte fortassis proxima reversurum, ut quod nunc non poterat, quavis id ratione perficiat. Et quoniam se pauciores esse vident, quam ut omnibus locis præsidia disponât, à Bergensibus petunt, Adrianum Guilielmidè & Iodocum Brissautium, cum trecentis circiter militibus, qui sub illis stipendia faciebant, sibi in auxilium mitti. Adrianus ille, priore civilli bello, thalassiaracha Zirizæorum fuerat, nunc autem inter Zelandicos Præfectos primum à Comite Solmensi locum obtinet. Brissautius verò, integerrimi & summi viri, Iacobi Brissautii, Consulis olim Brugen-
sis, filius erat, obsidionique Slusensi interfuerat, & fortem Patriæ, alio licet successu quam sperabatur, operam navaverat. Vterque ab Ordd. Zelandiæ auxilio nobis missus fuerat, quum hostem Bergopzomiū petere nunciatum esset. Decimo nono Septemb. rediit Prætor ex Hollandia, qui Amstelredami magnū numerum tabularum sectilium, perticarum, asserumque in usum bellicoemerat: Præterquam enim quod Prætor urbis sit, (Prætura autè in Rep. nostra, à Marchione summa dignitas est) civitati, & propugnaculis muniendis præest. Eliæ autem Leonino illi nomē est, estque idem ille, cujus ante in expugnatione arcis Woudanæ meminimus. Patrem habet D.D. Albertum Leoninū, qui Lovanii. 24. annos continuos primarius utriusque juris fuit professor, nunc
verò

verò & Cancellarius Gelriæ, & Concilii Confoederatorum Ordd. primus Senator est. Nocte illâ, quæ, 20. Sept. sequuta est, hostis Rotæ montem occupat, post verò sub meridiem Woudam recedit. Vtrinque nihil est actum: tota enim nocte, quin & ad hostis usque discessu pluerat. Legatos tamen Senatus in Hollandiâ, Zelandiamque mittit, qui Ordd. statu urbis significant, deque auxiliis interpellent: Cornelius Iansenius Zelandicâ, Adrianus verò Guilielmi (is civitati à secretis est) Hollandicâ Legatione fungebatur. Vigesimo secundo ante diluculu tubaru, tympanoru & majoris æramenti sonitu ad arma cõclamatum est. Præfectus enim cohortes aliquo militum coegerat, eo consilio, ut circa auroram vigilias duplicaret, quo scilicet tempore, hostis plerumque vigiles nocturnis excubiis de fatigatos, inopinantesque, atque impeditos aggredi solet, iisque cæsis, civitates improvisò expugnare. Id se facturum equitibus, qui stationes suas in foro habebant, nõ indicaverat. Hi dum per urbem obequitant, in cohortes has incidunt. Qui sint? Quid sibi velint? rogant. Quum verò insolentius à milite quodã redderetur responsum, ad præfectos suos redeunt: Quid sibi obtigerit, narrant. Illi quid ageretur nesciunt, proditiõne quampiam subesse autumant, bellicumque canijubent. Aegrè id tulit civitatis Præfectus Druraus, cumque præfectis equitum de injuriâ sibi illatâ expostulat, suo enim jussu convenisse milites. Respondent illi, nescivisse se ipsius mādato id esse factum, debuisse hoc sibi, qui nunc urbis status est, significari. Edictum deinde promulgatum est, ne quis incõsulto Præfecto bellicum canat amplius. Die, qui proximè sequutus est, impedimēta Firmini tribuni à militibus direpta sunt. Præfuerat is arci Woudanæ: lite verò inter ipsu & Marchantu quendã, qui arci quoque præsidio erat, ortâ, in Hollandiâ se contulit, ut de Marchanto illo apud Ordd. cõquereretur, &

C iij

missionem

missionem simul illi procuraret, ac de rebus necessariis
 arci provideret. Ordd. ergo illi glandium plumbecorum
 aliquot milia, in scloporum usum, ferreos item minorum
 tormentorum (falcons vocant) globos, & igniaria quo-
 que (quibus milites in alendo igne utuntur) pulveris-
 que in super tormentarii vasa aliquot suppeditarant. An-
 tequam verò ex Hollandia reversus esset Firminus, Mar-
 chantus illos omnes, qui à Firmino stabant, ex arce ex-
 pulerat, & cum hoste clam transfegerat, ac paulò post, 17.
 scilicet Ianuarii, anno. 1587, acceptis aliquot aureorum
 millibus, hosti arcem tradidit, seque in Galliam recepit.
 Firminus ergo omnia illa, quæ secum ex Holladiâ advexe-
 rat, in illum diem servaverat. Quum autem abitum
 pararet, ut qui exautoratus jam esset, atq; ea quæ diximus
 navi imposuisset, id milites (ut sunt in rebus ejusmodi
 sagaces) subodorati, & cōmodam nacli occasione factum
 excusandi: Quod res ejusmodi ex urbibus ab hoste obses-
 sis aliò transferri non liceret, omnia illa & reliquam quo-
 que ejus supellectilem diripuerunt. Pretiosiora tamen
 quæque reddere coacti sunt. At die sequenti, qui erat 23.
 Septembris hostis, viâ VVoudanâ progrediens, rectâ
 in urbem ducit. Pedites, equitesque nostri in oc-
 cursum illi provolant. Ille verò ad Tumulos Ber-
 geneses, Viâ Arenariâ in Septentrionem deflectit, mon-
 tem Riselium, & Noortgeestum Superiorem scandit, ibiq;
 castra ponit. Septis ad Vestaliū, & Steenbergensem portâ
 demissis, ut aquis redundet fossa illa, quâ Zoom fluvium
 perperâ Geographi inscribunt, aquâ ejus alveū superante,
 pascua, quæ inter Woudanâ & Vestalium portam inter-
 jacent, inundata sunt, & transitum in Septentrionem ne-
 gant. In urbem itaque reversi nostri portâ Steen-
 bergensem erumpunt, & signis aliquot erectis hostem ad
 certamen provocant: Ille verò castris se continuit.
 Postero die ad Meridiem castra quoque metatus est.
 Quæ à D. Gertrudis monte ad Pilam usque extendit,

his scilicet complexus Burchvlietum, Suytgeestum, Rotæ montem, & Bergensis sylvæ eam partem, quæ ab urbe in Orientem remotior est. Rotæ mons à rotâ, in quâ reorum crura elidi, vel cui decollatorum trunci solent imponi, nomen ducit. In hujus enim vertice de maleficiis supplicium sumitur. Hostis verò patibulum in eo erectum, uno atque altero post adventû die, confregit. Mons hic ad Meridiem viâ regiâ Antwerpiam euntibus rectâ occurrit. Diva Gertrudis à superstitiosis hominibus colitur, ne mûres glireque frumento noceant. Civitas autē ipsius patrocínio & curæ olim est credita, ut quæ Territorii Bergensis Domina fuerit. Monti ergo sacellum Divæ sacrum nomen dedit, Suytlandiæ nostræ submersæ imminet. Pila pars agri restibilis est, inter sylvam & civitatem media, principiumque æquoris istius, quod portâ Woudanam, & Orientem spectat. Suytgeestus vicus, Burchvlietum pagus fuit, qui arcem habuit, à Gallis, ut suprâ diximus, exustam. Halteranam arcem (quæ à pago, in quo sita est denominatur) Toletani triginta circiter milium præsidio tenebant. Non quòd arbitrarentur hostium eam impetû sustinere posse, sed ut insulani prospectulâ serviret, contra Toletum enim in continenti sita est, & de adventu hostium per hanc certiores fiebant. Quum igitur hostis arcem se, nî se dederent, vi expugnaturum minitaretur, præsidarii eam hosti cedunt, hisco cōditionibus, ut, vitâ & fortunis salvis, ad suos se recipere liceat. Ex Ardearum Turri duo equites ad Pilam, tormento ferreo trajecti sunt. Alterum magni nominis fuisse postea nunciatum est: Dicitur enim octingentis funalibus funus comitantibus Antwerpiæ sepultus. Horologiis nocturno tempore silentium impositum, ne hosti stratagemaris exequendis inservirent. Circâ hoc tempus varia undiquaque auxilia accepimus. Ordines, et-
 C iij da esset,

da esset, magnum tamē Belgarum, Scotorumque numerū in auxilium submiserunt. Flissingani, Brielani, atque Ostédani selectiores quosque milites nobis subministrarunt. Octuaginta circiter pedites ex Gertrudoberganis, qui rejecto Ordinum imperio, Anglis se subdiderant, sub Bockio centurione Anglo in suppetias nobis adfuere. Præter hos sex quoque peditum signa ex Angliâ calendis novembris advenerunt. Aded ut præsidiorum numerus, qui initio obsidionis mille quingentorum, si equites annumeres, tantum fuerat, antè ejusdem solutionem, ad quinque ferè hominum milia excreverit. Sed quum jam equitum Præfecti animadverteret hostem castra ponere, ipsamque urbem petere, nihil sibi cunctādum rati, verum tempus adesse, quo se viros, & aliquid quoque in hostem audere doceant, Druræum Præfectum urbis adeunt: Perunt cum hoste confligendi copiam sibi fieri. Non enim procrastinandum donec ad ipsa urbis moenia hostis castra admoveat: Quod si fiat, nulli amplius usus equites civitati futuros. Si (quod maximè sperant) victoriam vel minimam de hoste reportent, id civitati valde utile futurum. Ita enim & hostem consternatiore, & oppidanos alacriores fore. Plurimum ad utrumque facere si oppugnatores sub initium obsidionis clade aliquâ afficiantur. Non esse virorum fortium, pati moenibus sese urbis includi. Alii contrà (aderant enim Præfecti militum omnes) incertam esse victoriâ: Quod si ab hoste superentur, id civitatis malo maximo futurum: Si verò victoriâ ipsos sequatur, posse hostem id damni facile sarcire. Rem esse cum hoste potentissimo, numerosissimo, multisque victoriis claro. Et certè obsessis eruptiones plerumque periculosæ & perniciosæ existimantur: Id verò locum habet, ubi pauci sunt & ità ab hoste premuntur, ut difficile sit nova præsidia recuperare. Sed numerus hîc militum sic satis magnus erat, & quotidie ex Provinciis confederatis per portum

portum nova sub mittebantur auxilia. Tum vero Paulus Baxius : Scimus & nos, inquit, cautè esse agendum : Scimus habere hostem exercitum potentissimum, numerosissimum, multisque victoriis clarum, experti quoque sumus sæpius, quid in armis possit : Sed nisi Præfectus concedat quod petitur, irrupturus tandem idem ille hostis, tot victoriis clarus in ipsam urbem, & propugnatores omnes per capita crinesq(utar enim ipsius verbis) in sua castra pertracturus est : Et quia aliis aliter videatur, nullum se hac de re verbum facturum amplius testatus, domum abire parat. Revocatur verò ab ipso Præfecto, cæterisque qui aderant. Et, inquit, Druæus, si id è R epub. sit, & ad conservationem urbis faciat, non refragabor diutius. Armant se equites : Armant se pedites. Nec ut fieri solet, vel tubarum, vel tympanorum sonitu ad arma convocantur, ne hostis eruptionem parari sentiat. Se mutuo de futurâ eruptione certiores faciunt, & ad horam constitutam adsunt omnes. Præmittitur Vchrenbroukius, nobilis Hollandus, Baxii Majoris signifer, ut hostem in illam planiciem eliciat, quæ inter civitatem & castra interjacet. Illum comitantur equites quatuordecim ejus generis, qui sclopis in hostem pugnant, & rectâ ad hostem tendunt. Via est, quæ propter imminentem montem Varibogardum altior est. Hæc à Steenbergensi portâ ad Helstedianum Munimentum ducit, ipsiq; urbis fossæ hæret : Ad munimentum verò Varibogardus in vallem descendit. Hac igitur lancearii equites, lanceis demissis, ne iis eminentibus ab hoste Rifelium, Noortgeestumque superiorem occupante conspiciantur, vallem, quem diximus petunt. His Minoris quoque Baxii pegasarii equites junguntur. Baxii in fronte, Willugbæani mediæ erant, Parkerus agmen clauderat. Hostis paucos istos adversum se venientes cõspiciens, magnum emittit numerum eorum qui à sclopis Majoribus, musqueris

Cv

vulgo,

vulgo, nomen habent. In planicie, quâ Vchtenbrouk-
 ius in hostem ibat, aggeres varii sunt, qui septi & vestiti
 vepribus ac dumetis terminorum loco sunt, quibus cu-
 jusque ager dignoscitur. Ex his altissimos quosque sclo-
 petarii occupant. Accurrentibus & se utrinque recipi-
 entibus velutibus, provolant nostri occasionem, quâ spe-
 raverant, oblatam gaudentes, & pleno cursu in hostium
 latera feruntur. Tubicines bellicum canunt. Concur-
 ritur: Lanceis, verutis, sclopetis res agitur. Cæsimalii,
 punctimalii hostem feriunt. Ex aggeribus, quos occupa-
 verant, sclopetarii deturbantur, armaque projicientes capti-
 vitatem rogant. Multi confodiuntur: Plurimi capiun-
 tur. Ità enim à nostris cincti erant, ut, licet maxime vel-
 lent, fugere non daretur. Suorum cladem miserati ho-
 stes, tres equitum turmas in nostros inducunt. Propel-
 luntur hi in fugam, ab iis qui in fronte erant, & montem
 Riselium scandere coguntur, vinclorum & mortis suorum
 spectatores futuri. Durante conflictu adducti sunt cap-
 tivi aliquot: Inter quos nobilis quidam juvenis, Groes-
 becii, Episcopi olim Leodinenfis, nepos ex sorore, cui
 nomen Amsterodius. Acceperat is vulnus in ipsâ fron-
 te: Germanici vero cujusdam Tribuni vicarius erat. Si
 contigisset hostem conturbatum in fugam conjici, nostri
 decreverant urbem quamprimum repetere, nec tamdiu
 præstolari, donec totius exercitus impetum, cui pares nō
 sint, sustinere cogantur. Poterant ergo victoriâ hac
 contenti, in urbem, ut constitutum erat, reverti,
 multos secum hostium in triumphum adducentes, nisi
 ardor & excelsus Parkeri animus obstitisset, qui equites
 dolebat fugâ elapsos, nec eos inertes prælii spectatores
 ferre poterat. Impetu igitur facto, ipsos aggreditur, ini-
 quissimo quidem loco impressionē faciens. Quare licet
 victor semel atque iterum in fugam hostem conjecerit,
 dum tamen & ipse Riselium scandit, (in quo hostis sub-
 stiterat)

Atterat) & totus exercitus in armis est, hostiumque equi-
 tes viribus animisque redintegratis in unum illum irru-
 unt, parum abfuit quin aut vivus in hostium potestatem
 redigeretur, aut à multitudine obrueretur. Ter illi ma-
 nus ab hoste injectæ: Ter sese in libertatem vindicavit.
 Ille gladio, equus cui infidebat, calcibus morsibusque re-
 gerit. Hic verò Baxii, Willugbæanique socium periclitan-
 tem videntes, pristinae virtutis suæ memores in confer-
 tissimos hostes incurrunt: Existimantes satis se prædæ,
 satis captivorum, satis gloriæ adeptos, si virum tam for-
 tem Patriæ servent, hostique eripiant. Vnde illi qui in
 priore conflictu capti fuerant, & necdum in urbem de-
 ducti, numero circiter septuaginta, trucidantur, pauci
 fugâ se, quam nō speraverant, salvant. Nostorum igitur
 adventu per medios hostes via Parkeri, quâ evadat, aperi-
 tur, Baro Willugbæus, & Tribunus militaris Wilfortius,
 qui ex Hollandiâ, eodē momento, quo pugnaretur, super-
 venerant, pedites summâ diligentia educunt. Equites verò
 receptu canentes, junctis ordinibus, ad urbem redeunt.
 Magno numero hostis insequitur, ægerrimè ferens Par-
 kerum è faucibus ereptum. Majorum scloporum glandes
 aliquot thorace ferreo exceperat, illæsus tamen evasit,
 thorax quippe ejus scloporum glandibus impenetrabi-
 lis erat. Locus ubi pugnatum fuerat, eadaveribus homi-
 num, equorumque totus stratus erat. Quatuor aut quin-
 que tantum nostri desiderarunt. Plures tamen vulnerati
 erant, & equorum major jactura fuit. Ex hostibus supra
 ducentos oecubuisse ferunt. Accidit hoc 25. Sept. post
 meridiem. Dum pugnatur, fabri murarii muri reliquias,
 quæ de coenobio Begutrarum supererant, ne civitati in-
 comodent, demoliuntur. Cōfestim autē castra, quæ latius
 metatus erat, hostis contrahit, Noortgeestumque Su-
 periorem deserit. Castra quoque sumimâ diligentia
 adversus oppidanorum eruptiones & ad Septentrio-
 nem, & ad Meridiem munit. Non enim eam forti-
 tudinem

rudinem, eosque animos in obsessis expectaverat. Circā vesperam Prætor, Coss. & Senatores aliquot, Verius itē, Schotus, Basquevilius & Salsberius, militum Præfecti, de Reipub. statu & conservatione consultarunt. Exinde verò singulis diebus observatum hoc fuit, ut Præfectus præsidii ipse, & præcipuæ quidam è præsidariis dignitatis ac nominis de rebus ad Rempub. pertinentibus cum Magistratu in curiâ colloqueretur. Laudabile certè institutum præsertim in urbe obsessâ. Ità enim & dissidiorum inter cives militesque semina, (quæ tali tempore perquam facile oboriuntur) extinguï possunt, & si quid utrinque per incogitantiam peccatum sit, nullo labore corrigitur. Senatus itaque, ne ad summam diligentiam quicquam reliqui faceret, bis quotidie, horâ nempe octavâ antemeridianâ, & pomeridianâ secundâ, ab hoc tempore cogi coeptus est. A Senatu porro, ut cives quoque se arment, & per urbis plateas excubias agant, Willugbæus petit. Quæ res eò tandem perducta fuit, ut præfecti, signiferique & reliqui ordinum ductores nominati fuerint. Excusantibus verò sese nonnullis, quod arma deficerent, utpote à Gallis olim sibi erepta, ab incepto Baro destitit. Vigesimo octavo, Thomas Morganus, qui aliquândo civitati præfuerat, ex Anglia reversus est. Hic à Reginâ & Ordinibus missus erat, ut urbi præfesset ipse, Druræoq; succederet. Præmiserant tamen Ordd. Lancelorum Parafisium Cōquisitorē, cum mandatis ejusmodi: Placuisse Regiæ Majestati. Sibi, ac D. Baroni Willugbæo Regiarum copiarum legato paucos antè dies, per literas significare, velle se, ut Morganus Bergopzomio præficiatur. Quarum rerum ut fidem faciant, mittere se Regiarum literarum exemplum. Nolle se Ejus Majestatis voluntati adversari: Præfecturam igitur Druræus Morgano permittat, qui brevî cum potestate Ordinum eò mittendus sit. Literarum ad Willugbæum (quarum mentionem faciunt)

faciunt) summa hæc est. Renunciatum sibi esse, Principem Parmensem Bergopz. obsidionē moliri. Quo igitur civitas adversus hujus impetum conservari possit, visum sibi esse ejus Præfecturam Morgano, Equiri, committere. Ut igitur Druræo Morganus quamprimum substituatur, suam Ordinibus (qui non ita pridem eundem sibi commendassent) operā commodet. Se tamen nihil quicquā de fide atque fortitudine Druræi addubitare: Sed diutinā Morgani in rebus bellicis exercitationē, atque populi ergā illum studium hujus innovationis unicam esse causam. Quod de vulgi studio ergā Morganum, & de cōmendatione Ordd. dicit Regina, sic se habet. Morgano cum Willugbæo non optimè conveniebat. Quare quum animadverteret se favore Willugbæi in retinendā Præfecturā Bergopz. niti non posse, pluresque essēt qui illam ambi- rent, & quidem Willugbæo charissimi, id operam dedit Morganus, ut s. p. & b. perquam charus esset, & per hos Ordinum quoq; favorē nactus, literas cōmendatitias ad Reginam ab utrisque impetraret. Willugbæus interim Druræū civitati præfecerat, Morgano in ordinē redacto. Id verò quia factum fuit sine consensu Ordinum, ideò ad Reginam scripserant illi, ne qui essent, qui se ipsorum imperio opponerent. Morgani itaque adventu contentiones acerrimæ non inter Præfectos solum sed & centuriones inter, atque ipsos quoque milites ortæ sunt. Plures Druræo, Angli Morgano pauciores adhærebant: Belgæ verò, Scotique Morgani partes sequebantur. Willugbæus ipse Druræo favebat. Ideoque urbis quidem regimen Morgano cōmittit, propugnaculorum verò Druræo servat. Ajebat, id propterea facere se, quod civitatis solummodo in suis literis meminisset Regina. Morganus contrà, Frivolum id esse, à civitate propugnacula dependere, & unum semper cum civitate Præfectum habuisse. Commodum autem accidit, quòd illo ipso fere

momen-

momento, quo inter se de præfecturâ Præfecti alterca-
rentur, Comes Solmensis, & Tribunus militum Vilerius,
ex Zelandia supervenerint, qui utrumque ad pacem con-
cordiamque adhortarentur. Druræo nihilominus omnia
portus propugnacula commissâ sunt. Civitati præficitur
Morganus. Druræani quoque propugnaculis præsidio
imponuntur. Druræus rarò in urbem ingredi, rarò sine
raxis cum Morgano colloqui, multum de Ordinibus, mul-
tum de Senatu conqueri. Ordinibus similitudines illæ sum-
moperè displicebant, præsertim quum tam aperte ipso-
rum imperium sperneretur. Cordatiores omnes, quor-
sum hæc res evaderet, verebantur. Vini, cerevisiæ, frumē-
tiq; collecta 29. mensis locata est, quæ toto obsidionis tē-
pore more consueto ab omnibus soluta fuit. Die sequē-
ti Villugbæus novam instituit eruptionem in eos, qui ad
Septentrionem castra habebant. Quanquā verò iisdem
ferè artibus uteretur, quibus priori eruptione usi equites
fuerant, nihil tamen iis profecit. Cautius enim egit ho-
stis, sollicitèque cavir, ne tale quid à Varibogardo patere-
tur quale superiore conflictu passus fuerat. Hostium pe-
dites aut intrâ loricas castrorum, aut dumeta castris pro-
xima se continent, neque, ut prius, nostros adoriuntur.
Nostri pedites intrâ primum sclopi jactum aciem instru-
unt. Equites tamen concurrunt, neutrisque cedere vo-
lentibus acerrimè pugnatur. Nostri fortiter instant, ho-
stes haud timidi resistunt. Maximâ vi certatur. Poulii
Villugbæanorum equitum Præfecti equus concidit.
Ille alium scandit, amissi equi mortem ulturus. Iter cete-
ros ordinum ductor (corporallum vocant) Comitæ Ni-
colai egregiè pugnâs à nostris capitur. Marcellus Baxius
accurrentibus, & se recipientibus equitibus, ut in pugnâ
fieri solet, Albanum, quendam gladio prius per ventrem,
quâ armatus non erat, adacto, manû prehendit, atque ex
mediis

mediis hostibus, ut equo insidebat invitum & reluctan-
tem captivum secum rapit. Et ille quidem parrato egre-
gio facinote illæsus erat, equus verò ejus, ilia glande rup-
tus, postquam dominum sociis incolumem stitisset, ex vul-
nere periit. Tormenta, quæ in colle Minoritarum & por-
tâ Steenberganâ sunt, armatos aliquando homines,
equosque medios dissecabant. At nihilo segnius hostes,
quum numero superarent, depugnabant. Virtutis
utrosque certamen inivisse dixisses. Prælium tandem
tenebris ingruentibus diremtum est. Equitum Præfec-
ti, Ordinumque ductores ac Signiferi fere omnes plum-
beos aliquot scloporum glandes loriceis exceperant. Præ-
ter gregarios tamen equites paucos, equosque nonnullos,
nemo læsus erat. Ex hostibus quot occiderint mihi non
constat.

Calendis Octobris illi qui ad Meridiè castra posuerant
a Pilâ ad Hierocomium usque murum & fossam justæ alti-
tudinis ducunt. Biduò post Hispanus quidâ ad nos trans-
fugit, qui homicidium se commisisse dicebat, eamque
transfugii sui causam esse. Rogatus autem quis esset
castrorum status: Parmensem suprà triginta millia arma-
torum in exercitu habere, respondit: Addebatq; advecta
jam esse tormenta ænea sex, atque alia præter hæc quin-
quaginta in singulas horas expectari, velle Principem his
civitatem ad hydromylam quater. Atque ita rumo-
res, qui vulgò de advectis sexaginta tormentis fere-
bantur, confirmare videbatur. Ille igitur ad Mauri-
tium Principem, & Ordines mittitur. Licestrio, e-
nim in Angliam revocato successerat Mauritius, Illustris-
simi Principis Auriaci Filius, paternæ, cælis Vindex, &
Liberatis Belgicæ futurus Assertor. Qui (quod fe-
lix faustumque Patriæ futurum sit) primus Principis
Parmensis impetum repressit & toto orbe celeberrimum
Impera-

Imperatorem, Urbiumque fortissimarum expugnatorem, non nisi vincere fuetum, re infectâ, copias eo unde venerant retrahere, obsidiumque Bergopzomii tandē solvere coegit. At quia murus ad molam illam infirmior erat, quā ut tormentorum ictus sustineat, aggestâ terrâ munitur. Senatus porro Suytlandium Consulem ad Ordd. Zelandiæ mittit Legatum, cum his mandatis: Quamdoquidē hostis civitatem arctius cingat quotidie, omnemque moveat lapidem, quò sibi tandem eam subigat, illa autē pluribus locis parum munita sit, rebusque ad propugnationē necessariis, fossoribus præsertim & pecuniâ careat, orare se obnixè ne sociis & vicinis laborantibus desint. Statum civitatis ex Cos. cognosci posse.

Secundo post abitū Cos. die, in ruderibus Hierocomii propugnaculū extruit hostis, unde facilius ipsos scloporū glandes in civitatem ejiceret. Tunc verò uno omnes ore clamitare, velle hostem & hīc moenia tormentis concutere. Viâ Calmthoudianā frequentes currus cernebantur, quos ægerimè equi traherent, & magno labore ad urbem admovebant: Cives itaque omnes ac milites aliud nihil arbitrantur, quam subvehi tormenta illa reliqua, de quibus transfuga loquutus erat. Eam ergò muri partem, quæ inter Woudanam & Beguttarum portam est, loricâ adversus scloporum ictus cives muniunt. Portæ quoq; Woudanæ factigii reliquias demoliuntur, ne tormentis ab hoste convulsæ propugnatoribus obliant. Per hortos, qui mœnibus juncti erant, via ducitur, ut si hostis civitatem tormentis quatiat, equitibus tamē circā murum per pomeria obequirare liceat. At hosti nihil tale in mentem venerat, nec tormenta, sed scaphas curribus istis advexerat, aliud machinabatur, ut eventus ipse docuit. Sequenti die, qui 7. Octob. erat, 25 peditum signa in castra Septétrionalia supervenerunt, quibus Egmondanus præesse dicebatur. Hæc in monte Noortgeesto inferiore castra.

castramentata sunt. Agger est ad Beumoerium, in Septentrionali portus tractu planiore, qui a confinis ibidem olim arbutculis, *Eesterdyck* nostrâ lingua appellatur, ubi verò Driannelandiam attingit, nomen mutat, & Driannelandicus dicitur. Ad Noortgeestum Inferiorem hic incipit, Noortlandiamque à Beumoerio primum, deinde & à Driannelandia dividens, atque Occidentem versùs Septentrionali aggeri, quo mare arcetur, junctus trivium efficit. At ne Septentrionalem maris nostri aggerem aliquando hostis occuparet, Driannelandicum aggerem Ordines dissolverant, ea spe ut mare ad Toleti ostium in Driannelandiam, & ad Barlabassium in Noortlandiâ nostrâ immissum per hiatum hunc Driannelandicū concurreret, hostiq; iter ad Septentrionalē aggerem eriperet. Driannelandicum aggerē hostis sæpius frequentat, singulaque sedulo rimatur. Hoc nostris animadvertentes, id quod erat suspicabantur, velle nimirum hostem aggerem, quâ dissolutus erat, ponte jungere, ut transitus sibi ad Borealem maris aggerem pateret, quem si occupet, tormenta que admoveat, navigiis aditum in portum eripi posse vident. Multum ergo de hoc aggere desceptatur. Alii quantus, quantus est, solo æquandum, alii in ipso trivio propugnaculum extruendum judicant. Res cum Comite Solmensi communicatur. Sed quum prius immensi esset laboris, fructusque nullius (agger enim deplanatus hosti majori quam antea usui futurus erat) Secundum verò, propter vicinum hostem periculi plenum videretur, utrumque intermissum est. Nocte igitur illa, quæ decimum Octobris sequuta est, aggerē hostis occupat ipse. Majores scaphas duas in Driannelandici hiatu lacunam deponit, atque iis militem & tormenta in ulteriorem aggerem transportat. Post dies verò aliquot aggerem

D

rem

remponre sternit. Mattebergensem quoque aggerem (de quo in oppugnatione Toletanæ insulæ loquuti sumus) eadem ferè hora invadit, & tormentis in eo collocatis Toletanos navigatione Hollandica intercludit. Ad Toleti ostium agger duobus locis interscissus, & propugnaculum exædificatum est, quod à clade nostrorum, (quam anno 1572. sub Rolleo duce hîc acceperunt) & lacuna, cui imminet, *t'Gensgat* dicitur. In ipso Toleti ostio naves aliquot præfidiariæ stationes habebant, quas tribus tormentis hostis infestat & loco cedere cogit. Contrà Barlabassium prætoria Zelandorum, & alia quædam navis bellica, in anchoris stabant. Iudocus verò Morius, Zelandicæ Classis Legatus, ubi hostem in aggere conspicit, tormenta omnia semel atque iterum in ipsum exonerat. At vineas ille in aggere effoderat, minus ergò illi Morius nocuit. Sed hostis egestæ terræ aggere tectus è vineis suis, non aliter quam ex arce munitissima tribus aliis tormentis in Morium detonat, & tantum illi negotii faceffit, ut etiam ille, navi tormentorum aliquot ictibus perforatâ, militibusque insuper classiariis ac nautis nonnullis vulneratis Romerswalia recipere se cogeretur. Et quâ naves nostræ è portu in altû se darêt, Hollandiâ aliâ, Zelandiâ aliâ petêtes, in eas hostis tormenta quoq; displosit. Priores licet tormentis & ipsæ dilaceratæ essent, cursum nihilominus Romerswalam tenebant: Duæ posteriores in urbem sunt reversæ, quarum unam duobus globis hostis mutilaverat, iisque uxorem civis cuiusdam, infantem sinu tenentem, una cum infante occiderat, militum verò uxores duas ita læserat, ut una non multò post, amissâ dextra, ex vulnere diem obierit. Erant hæc ex earum numero, quæ metu hostis perculsæ in Hollandiam, Zelandiamque profugiebant. Initiò enim obsidio-

nis tan-

nis tantum nonnulli metum de hoste conceperant, ut unam salutem existimarent urbem, patriosque lares fugisse. Qui metus magis magisque indies augebatur, quum militum Præfecti ipsi uxores cum sarcinis ablegarent. Illi quoque qui stipendia nulla accipientes, nulloque sacramento cuiquam devincti, ex solis spoliis opipare & laute, ne dicam impie & scelerate vixerant, Patriæ desertores magno pretio com meatum in Hollandiam profugendi redimebant.

Circà vesperam navis ex Hollandia appulit, in quam tormenta hostis sæpius ejaculatur: Vnustamen solummodò miles enectus est, qui naclero ad gubernaculum astabat. Equites de foeni penuria conqueruntur, foeno tamen mox ex Hollandia advecto, querelæ eorum sedatæ sunt. Sub idem tempus Gertrudobergani milites naves aliquot cerevisia Delphica, butyro, caseis, hæcibus conditaneis, olivoque oneratas interceperant quas in portum nostrum subducunt. Potestas his ab Ordinibus facta fuerat Antwerpiam, Bredamque enavigandi. Mercatores Gertrudobergis in vinculis asservabantur: Illorum com meatus patibulo ibidem affixus est. Horum exemplo moti præfidiarii nostri idem conabantur, sed Ordinum edicto prohibiti destiterunt. Merces à Gertrudoberganis in urbem advectæ, post solutam obsidionem, jussu Ordinum mercatoribus restitutæ sunt. Ordines Toleranis validiora equitum, peditumque auxilia submittunt, quæ ad Veneris Aggerem, (qui Romerswalzæ objacet) exonerantur. At quum hostis portum omnino interclusurus videretur, non despondent animum nostri, & uno ferè tempore varia munimenta nova, ad portus conservationem, moliantur.

D ij rum

rum prius à Septentrionali propugnaculo passibus nō amplius 117. civitatem versus abest, atque à quadrangulari formā, *Papeumutse*, nomen accepit. Agger Helstedianus lorica quoque muniri coepit. Stavaſti fundamenta jacta sunt, eā nocte quā 13. Octobris præcessit. Nam quia hostis porrum infestabat, elaborandum erat, ut fartus tectusque illece conservaretur, siquidem ab uno portu salus urbis secundum Deum dependebat. Locus est in aggere Boreali, qui ab incolis *Barlabas* dicitur, & à Septentrionali propugnaculo passibus tantum 221. distat. Hic aggerem duobus locis nostri dissolverant. Quod unum obſtabat, quominus hostis tormenta ad Septentrionale propugnaculum admoveret. Veriti autem ne successu temporis idē hic conareretur, quod in Driannelandico aggere jam perfecerat, nostri locū præoccupant, & fossā rāſvertariā à Septentrionali propugnaculo ductā vallū extruunt, quod haud infelici omine *Stavaſtum* vulgus nuncupavit. Hic enim, si alibi, standum, & fortiter pugnandum erat, nec permittendum, ut hostis ulterius progederetur. Fasces, lignum, materiaque omnis à civibus, pistoribus præferrim & figulis exigitur, ut opus summā celeritate perficiatur. Quia verò pulvinus ille qui portui nostro objacet, navibus portum intrantibus, supra modum, incommodabat, nec à Septentrione aditum ad urbem, nisi summo cū periculo permittebat, non amplius nautæ eā navigatione usi sunt: Sed cis Romerswahiā, ad pulvini oram deflectentes, pulvinumque illum præterveſti, à Meridie portum subibant, quod multo minore periculo fiebat. Inter pulvinum enim hunc & aggetem in quo hostis tormenta collocaverat, Schaldis interfuit, cujus alveis propter pulvinum arctior est, quam ut naves tor-

men-

mentorū ictus evitent. A Stavaſto hoſtium tormen-
 ra 393. paſſus aberant, neque propterea illa ad portus
 oſtium propius admove- re tutum erat. Licet ergo
 in ſingulas ferè na- ves portum ſubeuntes tormenta ſua
 exonerarent, ne miſonau- tæ quidem vel minimum
 vulnus inſlixerunt, quod non ſine Numine factum vi-
 detur. Ad Toleti oſtium æſtuaria ſunt, quæ vernaculâ
 linguâ *Broloſia* dicimus, atque ad eum aggerem, qui à
 lapidibus denominatur, in Occidentem extenduntur.
 Hic in iſtis Toletani aggeris radicibus Zelandiæ Ordd.
 foſſam duxerunt, quæ non procul à propugnaculo il-
 lo, quod à Talpâ nomen ſumſit, Toletum verſus Eend-
 drechtio miſcetur. Atq; ita uno labore & inſula muni-
 ta, & navigiis via, quâ Toletum enavigent, inventa eſt.
 Ab hoſtium enim tormentis Eendrechtium, ſubire non
 licebat Toletanis. Ex eo itaque tempore hoſtis
 planè nihil tormentis ſuis profecit. Decimo tertio Oc-
 tobris equites octo, qui ſub Baxiis merebant, equis
 navi impoſitis Lilloum enavigant. Hic equos conſcen-
 dunt, rectâque hoſtium caſtra perentes Antwerpiâ
 ſe venire ſimulant. Hoc uſi ſtratagemate præfectos
 tres, qui & ipſi quoque caſtra petebant, cum impedi-
 mentis omnibus capiunt, ac cum prædâ incolumes do-
 mum Lilloo revertuntur. Nondū diſſidium illud Mor-
 ganicum ſublatum erat. Nocte igitur illa, quæ inter
 13. & 14. Octobris media fuit, Illuſtriſs. Princeps Mau-
 ritius, & Tribunus militum Vilerius in urbem ingreſ-
 ſi ſunt: Nam res non omnino periculo carere vide-
 batur, compedes ſiquidem & carceres (ipſo Mau-
 ritio præſente) VVillugbæus Morgano minitaba-
 tur. Mauritiū verò adventu liſ in hunc modum com-
 poſita eſt. VVillugbæus, quamdiu præſens fuerit,
 ſummam obtineat authoritatem, ut qui Regiæ Ma-

pars cæsi, reliqui in vincula coniecti. Grimstonius cum caupone, custodibus metu obstupescens, eripitur. Quum se illusos viderent illi, qui admissi nondum fuerant, ligneum sepimentum, quod ad propugnaculi radices erat, magnâ vi convellunt: Sed altero sepimento (quod in loricâ) propugnatorum item concursu, & scloporum crebrâ digrandinatione repulsi sunt. Arma igitur projicientes fugæ se dant. Tum verò illi qui in insidiis erant, magnis clamoribus & innumerabilibus scloporum displosionibus fugientes insequuntur, sternuntque. Cæsim alii, punctim alii, ferire, mactare, cæde ac sanguine implere omnia. Dum hæc geruntur, maris æstu Noortlandiâ regitur. Multi ergo in profundiores lacunas incidunt, ac mersi suffocantur. Cæsi sunt suprâ trecentos, plures vulnerati ut ex captivis postea cognovimus. Nobiliorum captivorum nomina hæc sunt. Ioannes Mendoza major, qui in Nosocomio ex vulneribus diem clausit, Ioannes Mendoza minor, Gregorius Vires, Christophorus Porceus, Godofridus Gordonius, Tristandus Lignicavus, Alonsus Idiaqueus, Donni (ut Hispanico verbo utar) omnes, & præcipuè nobilitatis. Nullis militaribus signis toto exercitu erectis, expansisque dolorem suum testari visus est hostis. Captivi illi, quod Grimstonium cauponemque ad proditorem sollicitassent, à Militari Concilio damnati, gulamque laqueo fracti præpostere in dominum fidei poenas dederunt. Magnus ex stratagemate hoc fructus ad nos rediit. Nam de proditione, quæ una nobis timenda videbatur, nihil erat, quod timeremus amplius. Tantum enim simulatâ hac proditione actum fuit, ut veris proditoribus fidē habiturus nō esset hostis. Quanquam in Grimstonio, cauponeque ab omnibus culpa-

culparetur, quòd Religionem abnegassent, & iurandum violassent. Quare non optimam gratiam apud ipsos Anglos iniverunt. Et licet illi factum negent: Ferunt tamen magni nominis virum, utrumque (quum se in Angliam ut remunerarentur contulissent) in hunc modum Reginæ commendasse: Grauiissimæ, inquit, Illustrissima Domina, sunt causæ, cur horum virtutem insigne aliquod præmium sequatur. Si enim illi remunerandi sunt, qui corpus tantum, tuo nomine, periculis & morti objecerint, quid illis facias, qui nec corpori, nec animæ pepercerint? At literis ex Angliâ allatis facti sumus certiores, Hispanicæ classis reliquias Scotici, Hibernique freti angustiis, brevibus & syrtribus illis, penitusque tempestatibus & potente D. O. M. dextrâ attritas, omnibus iis qui Hiberniæ partem aliquam occupaverant internecone deletis, ac paucis tantum cū Duce Sanctolucano, classis Præfecto, per mille mortis discrimina in Hispaniam profugientibus, quare 21. Octob. Sacrà Concione habitâ gratiæ Deo publicè actæ sunt: Circà vesperam verò milites tormentorum & scloporum displisione, ignibusque accensis, ac tubarum, tympanorum & campanarum sonitu, festivisque acclamationibus gaudium suum hosti significarunt, & classem perditam, & propugnaculum oppugnatum illi exprobrantes. Summis hastis ardentes è stramine manipulos alligant, quibus suprà murorum loricas elevatis tota civitas, portusque propugnacula ardere visa. Ab eo tempore remissius agere coepit hostis. Navis quædam 22. Octobris frumento onusta, dum portum subit, in Septentrionalis promontorii reliquias impegit. In hanc sæpiissime tormenta hostis exonerat: Tribus tamen solummodò ictibus perfo-

nihil est actum. Italorum verò exercitus, qui ad D. Gertrudis montem erat, nescius quid ageretur, obequitare, singula sedulò rimari, prospicere quidnam tentaturi essent, quos magno numero adversum se confluentes vidibar, Excubias disponere, in armis esse, totis denique castris tumultuari. Postero autem die, qui 17. Octobris fuit, summâ omnes diligentia opus aggressi sunt.

Duodevigesimo Octobris, praesidiarii ex porta Steenbergensi erumpentes hostem ad pugnam lacefunt. Sed quum ille castris non egrederetur, nec copiam pugnandi faceret, in urbem reversi sunt. Secunda verò ejus noctis vigilia, quæ 20. Octobris sequuta est, hostis stratagemate quodam Septentrionale propugnaculum nobis præripere conatus est. Quæ res altius mihi repetenda videtur. Exploratores nostros, Hispanos duos, uno atque altero ante obsidionem die, captivos adduxisse, suo jam loco diximus. Erant hi in custodia cauponis cujusdam Angli, cujus ædes Grimstonius, Basquevilii signifer, prandendi coenandique gratia frequenter adibat. Contracta, igitur hac occasione, cum captivis familiaritate, tandem intelligunt se ab iisdem seriò ad prodicionem sollicitari. Villugbæum itaque adeunt, rem omnem illi exponunt, & quid fieri velit, rogant. Villugbæus, captivis Septentrionale propugnaculum offeri, jubet. Verbis itaque ultrò, citroque cum captivis commutatis, ità discedunt ab illis, ut qui propugnaculum Septentrionale (cui praesidio sint) Principi se tradituros promittant: Illud enim Grimstonii fidei sapius committi, eo scilicet tempore, quum Basqueviliani milites excubias agunt. Res tandè eò deducta fuit, ut 20. Octob. sub vesperam, literis prius captivorum commendati, ad Principem Parmensem (qui in

Noort-

Noortgeesto Inferiore pernoctaturus erat) se contulerint, omnia ad propugnaculi deditionem parata esse nuntiantes. Ille de ipsorum fide subditalse fertur: Ideoque multa super propugnaculo, multa super ejus Præfecto, præsidio, & rationibus iis, quibus illud tradendum sit, rogitalse: Iuramentum ab illis exigitalse: Altaris Sacramentum (sic enim Coenam Dominicam à se corruptam Pontificii vocant) à Sacrificulo prolutum sumere jussitalse: Aureo torque illos donatalse, & magnum denique auri pondus promissitalse, si quod polliciti fuerant, præstent fideliter. Optimos quosque militum illis deinde committit, ad propugnaculum in suam potestatem recipiendum. Ducibus tamen manus post terga revinciri imperat, & singulis militem addit, qui stricto pugione latus perfodiat, si fidem datam fallant. Willugbæus interim multo milite propugnaculum clamat, atque in utroque aggere, qui propugnaculi fossam utrinque attingit, non parvam militum manum in insidiis collocat. At porram quâ hostis intromittendus erat, clathris ferreis reticulato textu munit. Pensilia hæc erant, & fune, quo religabantur, præciso portæ transitum sepiebant. Rebus omnibus hoc modo ritè præparatis, hostium adventum avidè Villugbæus expectat. Tandem illi prodeunt, & per inundatam Noortlandiam (mare enim refluxerat), iter facientes, portam, ut futurum dixerant duces, apertam inveniunt. Nec deest quoque, qui adventum ipsis Hispanicè gratuletur. Admissis verò circiter 50. & iis quidem ex toto nobilitatis flore selectissimis, funem Villugbæus quo ferrei, quos diximus, cancelli religabantur, suâ manu præcidit ipse. At illi decedentes portam obstruunt, & ceteris aditum in propugnaculū negant. Fit impetus in illos qui admissi jam fuerant, quorum major

D v

pars

jestatis sit Legatus : Absente ipso , Morganus rebus præsit : Druræus discedat . Remansit tamen ille , nec ante solutam obsidionem discessit . Erant autem qui affirmarent , hostem constituisse reliquias Australis aggeris per æstuaria Suytlandica , mari refluxo, occupare , ut & hac aditum nostris navibus in urbem præcludat . Certè vestigia eorum , qui ad hunc locum explorandum missi fuerant , quum mare refluxerat , in luto Burchvlietum versus visa sunt . Nostri verò cratibus vimineis in extremo promontorio erectis , multaque humo repletis , tria tormenta ibi disponunt : Quorum maximum , globum ferreum quadraginta quatuor , minora verò duo 16. librarum pondo in hostem detorquebant . Singula quoque propugnacula sua habebant tormenta , quæ omnia in hostem displodebantur , quoties naves appellerent . Duobus etiam tormentis propugnaculum quod ad Toleti ostium est , sine intermissione hostem divexabat . Agger præterea , quæ ille tenebat propter continuos imbres & militum crebras discursitationes tamen erat lutosus , ut vix usquam vel pedem figere integrum esset . Assamenta , stramentaque deerant , milites itaque in vineis quas effoderant , ut iis contra tormentorum ictus utcunque tenerentur , sub dio pernoctabant . Solum verò fodiendo altius excavatum omnem pluviam hauriebat . Venti vehementiores spirabant quotidie . Adeo ut hostes quidem Bergopzomium , sed Coelum ipsum , Telluremque istos ipsos obsessores & quidem arctissime obsidere viderentur . Australem autem aggerem complanare nostri incipiunt . Verum videntes id frustra esse , consilium mutant . Ad extremam aggeris oram rivus est naturali maris impetu factus . Hic propugnaculum exedificandum omnes judicant . Latior enim planities , quæ rarissime

rissimè æstu maris tegitur, huic rivo adjacet, & rivus ipse propugnaculo pro fossâ futurus erat. Schaldis alveus propter æstuaria, in quibus telonii Zelandici reliquiæ visuntur, angustior & hîc est. Naves quidem præsidariæ in Schaldi excubabant: Verum si scaphis (quas magno numero Antwerpiâ advexerat) militem & tormenta de nocte hostis transportet, non minore labore ex stationibus pellendæ erant, quam aliæ illæ ad Toleti ostium, Barlabassiumque pulsæ fuerant. Iudocus Morius Zelandicæ Classis Legatus, qui præsens ipse locum inspexerat, id confirmabat. Fossores deerant Civium ergò operas Villugbæus exigit. At cives quotidianis laboribus defatigati, & inani metu propter vicinitatem hostis percussî, nolle se hosti mactandos obijci vociferabantur. Locus enim in quo propugnaculum erigendum erat longius à civitate aberat. Passus siquidem 626. à Valkenburgō abest: Valkenburgum autem ab urbe passibus 800. distat. Habes igitur passus 1526. Tum verò Prætor, Coss. & divini verbi Administrati Baseliî duo, Pater, filiusque, singulos fere compellantes, Et quid Patriæ debeant sedulo inculcantes, eò cives perduxerunt, ut operas suas in munimento conficiendo promptissimis animis offerrent, & se ad signum tympano dandum præstò futuros omnes promitterent. Finitâ Concione pomeridianâ (Dies siquidè erat Dominicus) civium tympanistes signum dat, ut à Senatu jussus erat. Alter ergò Consul cum Senatoribus aliquot, alter quoque Concionatorum cum Ecclesiæ Senioribus, arreptis ligonibus operi sese accingunt, & sub noctem eò tendunt, ubi propugnaculum extruendum erat. Hos sequuntur cæteri cives fere omnes. Quum autem de delineamentis operis inter Præfectos non conveniret, eâ nocte

D iij

nihil

perforata navis, nulloque ex nautis laeso, Dei beneficio evasit. A prædianis autem nostris quotidie in hostem pugnatur, & horis ferè singulis nova certaminum spectacula, oppidanis hostibusque exhibentur, in planicie illà quæ inter utrosque media erat. Cives interim continuis, ac tam diuturnis laboribus fracti, impares se tanto oneri queritari. Morganus itaque hac de re cum Senatu colloquutus, petiit, ut cives pro æstimatione fortunarum cujusque censum pendant. Consul igitur totius, Civitatis Concilium. (Amplum vocant) indicit. Consulares, Senatorii, & Quæstorii, secundum hinc à Magistratu, Opificum Consilarii tertium locum obtinent. Exponit his Consul, quid Præfectus petat, censumque haberi postulat. Petitioni annuunt omnes, atque illà ratione ab operis immunes fiunt cives. Munitiones, quæ restabant imperfectæ operum redemptoribus, certo pretio locantur absolvendæ.

Quum autem assamenta in belli usum deficerent, quicquid tabularum, sectilium in fabricis materiariis erat, exactum fuit. Compluvia præterea & tabulata aliquot effracta sunt, quæ tamen post solutam obsidionem ex ærario publico restituta fuerunt. Atque illis quoque non sufficientibus, quumque & alia quædam deficerent, 16. Octobris, Consul Suytlandius in Hollandiam mittitur non ad Ordd. solum, sed ad Senatum etiam Dordracenum, nobis amicissimum, ut statum urbis significet, & subsidium roget. Ades Dajalanæ Scotis quibusdam in hospitium cesserant: Dum autem omnia effringunt, quæ ad focum instruendum facere videbantur, atque inter cætera trabem quoque, cui tectum innitebatur, ædes corruunt, quarum ruinis unus & alter oppressus periit. Ne verò tale quid quisquam tentet, amplius, capitis supplicio cautum est.

In civi-

In civitatis & propugnaculorum muris vasa quædam pice perfusa, & multo stramine facta, variis locis eriguntur, ut incensa lumen propugnatoribus præbeant, si fortè hostis oppugnationem tentet. Vigesimo septimo Octobris, Majoris æramenti sonitu Nundinæ indicæ sunt. Non quòd multi mercatores ad Nundinas nostras venturi putarentur, sed ne jus Nundinarum istarum civitas amitteret: Tenetur enim statis temporibus illas quotannis publicare. Durant hæ septimanas sex, & omnis generis merces vennum exponi solent. Ac toto illo tempore, profugis omnibus, (lati omnibus cæterisque Reipub. hostibus exceptis) liber aditus in civitatem patet, nec cuiquam fas est debitori, propter non solum æs alienum, negotium facessere, si in odò istis ipsis Nundinis, quæ impræseniarum celebrantur, contractum non fuerit. Sequenti die Mauritius Princeps in civitatem venit, ut sua præsentia milites civesque animaret, munitiones, propugnaculaque omnia coram ipse inspiceret, & quæ ad defensionem urbis facerent, provideret. Eodem die census ille, de quo loquuti sumus, duplò auctus fuerat: Quæ res cives non mediocriter turbavit. Quare quum Ordines Tolertum appulisse nunciatum esset, Maniæus Consul, & Guilielmus Franciscides Consularis, ad ipsos legati mittuntur. Qui hora noctis decima, cum Mauriti comitatu, hostium tormenta prætervehuntur, recæque Venusdanum petunt, inde Tolertum, tantumque apud Ordd efficiunt, ut 30. Octobris tria semilia florenorum Reipub. Bergopzomanæ numerarios pollicerentur, quorum 1800. eo ipso momento legatis suppeditarunt. Vno post discessum legatorum die, Mattebergensem aggerem hostis deserit. Cognito ejus discessu, castra quæ integra reliquerat,

rat, Toletani incendunt. Morganus à Senatu imperavit, ut cives sex istarum Societatum, quas Guldæ vocamus, in Curia excubarent, quibus Senator quoque jungeretur. Tēpus instabat quo summo cum dedecore, nec minore damno obsidionem soluturus erat hostis. Omni enim spe urbis potiundæ sublata, non restabat aliud, quam ut exercitus crebris oppidanorum eruptionibus, tormentorumque dislosionibus, tempestatibus item ac imbris continuis, & qui inde sequuntur, morbis, paulatim consumeretur. Noortlandiæ ergo aggerem quoque 30. Octobris, nocte intempestâ defecit. Illi qui ad Toleti ostium erant, omnium primi ejus discessum resciverant. Scaphis igitur ad aggerem devecti, præter Germanum unum, altissimo oppressum somno, inveniunt neminem, qui è somno excitatus, quum se, & aggerem à sociis desertos cerneret, in genua prostratus vitam deprecatur. Pons, quo aggerem Driannelandicū hostis junxerat à nostris rescinditur. Eadem nocte, quæ scilicet inter 30. & 31. Octob. media fuit, scaphæ 24. Burchvlieto solverant, ut piraticam exercerent. Sed uno tantum Romerſwalensi piscatore paupere capto, cō undē venerant, ipso meridie sequentis diei, reversæ sunt. Nec has præfidiariæ naves, utut præinctæ essent, assequutæ sunt. Remis enim summā vi & contentione incumbabant, & vadosa maris loca legebant, malacia prætereā summa erat. Mauritius, & Solmius Comitēs, Barneveldius item & Egmondus, Valkius, Vosbergius aliique ex Ordinum numero, civitatem sunt ingressi. Præfidiarii verò quod Comitibus, Ordinibusque documentum suæ fortitudinis facerent, omnibus ferè copiis portâ Steenbergensi effusi, hostem nequicquam ad certamen provocant, castris enim ille se contine-

bat,

bat. Propugnaculum cognomento Civicum, nondum perfectum erat. Impetratâ igitur illâ, quam diximus pecuniâ, civibus nonnihil de censu, remissum, & propugnaculum insuper rusticis absolvendum locatum fuit. In Helstediano munimento tormenta duo nostric collocant, & per vallem illam, quæ Nooitgeestum Superiorem ab Inferiori dividit, crebris ictibus hostilia castra infestant, & sæpius uno ictu (ut ex captivis postea cognitum est) tentoria, & vinice-revisiæque vasa perforata, & homines præterea aliquot sublati sunt. Ut autem in castris tutiores sint, crates vimineas in valle, quam diximus, disponunt: Quanquam ne sic quidem fatales tormentorum globos evitare potuerint, quibus quamplurimi quotidie sunt enecti. Interim totâ urbe rumor, incerto authore, spargitur, hostem è Cavâ Viâ, cuniculos in ipsam urbem agere, ut pulvere tormentario muri aliquâ parte disiectâ in civitatem penetraret. Licet verò incredibile hoc omnibus videretur, tamen quum nocte illâ quæ septimum Novembris præcessit, fossæ aqua integrum pedem, casu nescio quo, ad Meridiem subsidisset, figmentum hoc pro vero habitum fuit. Villugbæus ipse dum causam huius rei inquiri duobus aut tribus comitatus ad Viam, quam diximus, tendit. Hæc propter imminentes utrinque colles tantæ altitudinis est, ut hastatus miles eam ingressus, etiamsi hastam erigat, ab urbe tamen conspici nequeat. Licet autem in vicino Gertrudis monte hostis castra haberet, non tamen prius ad urbem se Baro recepit, quam ipse suis oculis locum inspexisset, vidissetque, nihil ibi, quod ad cuniculos agendos faceret, conspici posse. Lacrojus

Cunicu-

Cuniculariorū Præfectus, meatus quosdā subterraneos esse arbitrabatur, qui aquam hanc aliō divertissent. Nono novembris Comes Noorthomberlādus, & Norritius nobilis Anglus magnā illos nobilium catervā comitante, ex Angliā appulerunt. Adventum ipsis tormentorū & scloporum displosione, ac majoris æramenti sonitu oppidani gratulati sunt. Comes ut Belgium, obsessum que Bergopzomium coram inspiceret venisse dicebatur. Norritius verò Legatus ad Ordd. à Reginā missus erat, ut illos de auxiliis Antonio Lusitaniæ Regi præstandis interpellaret. Regina enim gentem classem apparabat, ut Antonium in regnum, e quo ab Hispano pulsus erat, restitueret. Equites sex viā Arenariā castra hostium prætervecti, quadrigam cerevisiā onustam, cauponem, equitesque duos, in vitis hostibus, trans ipsa castra, captivos in urbem rapiunt. Ut autem adolescentis Comitissæ oculi novo & insolito spectaculo pasceretur, eruptio in diem sequentem decreta est. E cuniculis igitur, qui ad terrim sunt, quæ à pulvere tormentario denominantur, fossā ponte subitaneo stratā, pedites emittuntur. Hi ad Cavam usque Viam penetrantes cum Italis, qui in Gertrudis monte castra habebant ferra præliantur. Equites interim portam Woudanam egrediuntur. Parkerus in ipso Vinearum colle se sistit Poulius in planicie, quæ viā Burchvlietaniæ adjacet, aciem instruit. Baxii verò deerāt, utpote de futurā eruptione nō præmoniti. Germani, qui ad Rotæ montē castramentati fuerant, in planiciem monti proximam descendunt, paulatimque via Antwerpianā progredientes non procul à Vinearum colle subsistunt. Hic inter senticera sese plurimi occultant, reliquis nostros ad pugnam provocantibus, ea spe ut irruentes equites sclopis exciperēt. Verius autē accitis trigintā circiter peditibus, qui in via Burchvlietana

vlietana erant, Germanos è spinetis in planiciem pel-
lit. Tum verò Parkeriani equites impetu in illos fac-
to, ad unum ferè omnes, in ipsis Rotæ montis radici-
bus, conficiunt. Vnus Sarlius Centurio, dum con-
citatiore impetu in hostem fertur, & equum ferociorem
reprimere nequit, vivus in hostium potestatem venit,
qui cum Ioanne Mendoza minore commutatus liberra-
ti postea restitutus est. Transfugæ omnes, uno ferè ore
asseverabant Parmensem Principem discessum cogita-
re. Undecimo igitur Novembris die, horâ primâ po-
meridianâ equites, peditesque omnes, paucis excep-
tis, qui moenia servarent, portâ Steenbergensi erum-
punt. Eodem quoque momento, Balfordius Scotus cum
600. selectis militibus, Toletò advolat. Verius emissarius
præficitur. Hi cum sclopetariis minoris Baxii equiti-
bus rectâ ad hostem tendunt. Balfordius viam regi-
am, quæ Steenbergam ducit, occupat. Oppidani in
planicie, quæ viâ Steenbergensi ad dextram proxima
est, aciem instruunt. Lancearii equites ad viam Are-
nariam paululum deflectunt. Emissarii ingentem glo-
bulorum plumbeorum procellam in hostem, capibus
tantum suprâ loricas castrorum eminentem, profun-
dunt. Ausi equites nonnulli castris egredi, sclopis ex-
cipiuntur, & uno atque alterò è suis desyderatis in ca-
stra refugiunt. Interim dies labitur, nec tamen quen-
quam in nostros inducunt hostes, castris se continent,
quæ munitiora erant, quam ut expugnari possent. In
urbem igitur nostri redeunt, satis gloriæ se adeptos ar-
bitrari, quòd per duas horas integras pugnandi copiam
hosti fecissent. Ex emissariis occisi quatuor 12. vulne-
rati sunt, ex ipsis enim castris hostis in illos sclopos dis-
ploferat. Nocte illâ, quæ undecimum Novembris se-
quuta est, castra Septentrionalia & arcem quoque Hal-

E teranam

teranam incendunt, & circa decimam antemeridianam ex monte Rifelio, Noortgeestisque (hic enim substiterant donec tuguria omnia igne consumerentur) hostes migrant. Toto autem illo itinere, quo in Meridiam ad socios ducebant, signa tantum militaria conspici poterant, & via ipsa longius à civitate aberat: Vbi verò ad Pilam ventum est, & via Hubergana sylvam attingit, in collem illa leniter assurgit. Hic igitur non signa solum militaria, sed se quoque integros spectandos præbent. Nullo enim rumulo, nulla arbore tegi poterant. Tormentis igitur quæ in colle (Kattam nostri dicunt), ad sylvaticam portam sunt, mirum in modum exagitantur miseri. Visu jucundissimum fuit oppidanis, hostium aciem tormentorum crebris ictibus rumpi, eosque laxatis ordinibus tamdiu cursu contendere, donec proximis collibus adversus tormentorum fulmina tegerentur. Totâ illâ nocte, quæ sequuta est, tubæ, tympanaque receptui canentia, plaustrorum item, curruumque impedimenta devehentium strepitus auditi sunt. Antè verò ipsum diluculum Meridionalia quoque castra incendunt, rectaque Calmthoudium petunt: Excubias tamen equitum disponunt, quæ ipsos certiores faciant, si nostri eruptionem tentent. Vbi illuxerat Willughæus 21. peditum signa, equitesque omnes, assumtis secum minoribus tormentis (falcones vocat) duobus, portâ Woudanâ educit. His visis hostium excubitores sese propriunt: Nostri verò castra occupant. Et pedites quidem in Rotæ monte subsistunt, equites autem ulterius progressi ad postremum agmen perveniunt, hostemque sannis prosequuntur, ut irritatus se converteret, & pugnandi copiam faceret. Quod quum frustrâ fieret ad pedites sunt reversi. Sufficiebat enim tanti Regis exercitui turpè ac ignominiosum discessum, fugæ haud absimili-

absimilem exprobrasse. Pauci, qui in castris reman-
 rant, à furibundo milite mactantur, servata tamen femi-
 na una atque altera est. Willugbæus postquam præ-
 fectos omnes in coronam convocasset, paucis præfatus
 & ad Verium, Knollium, Parkerum, Poulium, Anglos
 omnes, & Paulum Baxium Belgam conversus: Quia
 inquit, verus & quidem landabilis consuetudo est, ut
 qui se viros in bello præstiterint, monumentum ha-
 beant suæ virtutis, fortitudinisque, atque ipse ego ocu-
 latus testis sim, omnia illa in vobis inesse, quæ in Equiti-
 bus, militibusque fortissimis requiruntur, cujus rei
 testem, hostem ipsum appello, qui suo malo maximo
 quales in armis sitis sæpius sit expertus, Serenissima
 Domina nostra, Angliæ Regina (ejus enim ego man-
 datum exequor) vos omnes equestri dignitate donat.
 Et singulos gladio, quæ humeri collo nectuntur, leviter
 tangens, Regiæ, inquit, in vos benevolentia summæ,
 quod vestra virtute promerulistis, mnemosynon accipi-
 te. Illi gratias quam possunt maximas agunt, seque nullo
 unquam tempore quod nomine, dignitateque Equestri
 indignum sit, commissuros sanctè jurant, si pejerent,
 Deum Vindicem appellant. At cives, militesque, viri, fe-
 minæque, adolescentes ac virgines promiscuè portis ef-
 fundi, ad castra hostium citato pede tendere, singula
 rimari, castrorum amplitudinem, munitionesque mirari,
 & prædas quoque agere. In utrisque enim castris ma-
 gnâ copiam lignorum, marrarum, plaustrorum, vasorū,
 scloporum, hastarum, loricarum, galearum, thoracum &
 omnis generis armorum, supellectilisque hostis relique-
 rat. In totam hiemem omnibus militibus & tenuioribus
 civibus lignum eadem castra suppeditarunt. Trabes
 siquidem, tignaue, quæ in proximus sylvis succide-
 rant,

E ij

rant, quibusque tigurii sibi ædificabant, flammâ (consumto stramine) mox deficiente, ambusta solummodo fuerant. Urbe totâ ingens lætitia propter subitum & inexpectatû hostium discessum oboritur. Quoniam verò Christianorum est, beneficia omnia ad ejus gloriam referre, à quo illa in nos collata sunt, decimo sexto Novembris die, D. O. M. Liberatori gratiæ publicè actæ sunt. Concione enim habitâ, à Divini Verbi Administris edocta plebs est, Vni Deo acceptum referri oportere, quòd civitas ab imminente exitio liberata neque vi, neq; dolo opprimi potuerit. Preces quoque pro Ecclesiæ & Reipubl. conservatione, & omnibus iis, quorum nos Deus potestati subjecit, conceptæ sunt. Senatusconsultum postea de Feriis Anniversariis, quæ statò tempore, die scilicet Novembris XIIII. quotannis recurrerent, publicatum est. Sub vespèram tormentis, sclopiis, tubis, tympanis, aramentis, nolis, acclamationibus, vocibusque Iò Triumphe ingeminantibus tota civitas personat. Vasa plurima pice perfusa, multoque ligno repleta undique sunt accensa. Crebri per omnes plateas ignes excitati. E turri majoris templi ardentes laternæ in modum coronæ appensæ, ignes missiles fusi. Baro Willugbæus, Morganus urbis Præfectus, Equitû præfecti, ac peditum cæturiones omnes, cives item Senatorii & Quæstorii Ordinis cum Senatu in Curiâ coenati sunt. Denique nihil omissum est corû, quæ in publicis gaudiis, & triumphis fieri solent. At hostis ne videretur nihil egisse, Rosedaliam & Calmhoudiam munit, ut oppidanos ab excursionibus prohibeat, id est, ut lateré lavet, quemadmodum vulgari proverbio dicitur. Et hæc quidem nostræ obsidionis, ejusdæque solutionis historia est. Nostrû itaque erit P. C. summum D. O. M. beneficium agnoscere non solum, sed debitam

DE OBSID. BERGOPZ.

debitam quoque animi gratitudinem verâ in Deum fi-
de, & vitæ melioris institutione perpetuo declara-
re. Quod ut fiat, æternum Domini nostri Iesu
Christi Patrem assiduè precibus inter-
pellare non desinam.

FINIS.



AD LECTOREM.

*Ne sequentes pagina vacarent, asscripsi, quæ vides,
Amice Lector, Epigrammata, ex eorum numero quæ
olim ego nostræ obsidionis tempore obiter lusi, & nunc
inter schedas repperi. Tu, quæ data sunt animo, accipe,
& vale.*

DE CLASSE HISPANICA SVPERATA, ET FVGATA, IN STOLIDAM ET PETVLANTEM M. Eyfingeri Austriaci iactantiam.

*Moses aquas, & aquas Pharaon est ingressus easdem,
 Non animus, non mens una duobus erat.
 Commissum ille sibi Populum servare, sed ille
 Perdere non meritos nititur Isacidas.
 Ambobus dispar, longè & diversa voluntas,
 Eventus parili non quoque sorte datus.
 Ille maris meritò refluxis perit obrutus undis,
 Hic tuiò siccum per mare carpit iter.
 Navibus Hispanus stravit quoque navibus aquor,
 Quæ tenet illustri Sceptra Britanna manu.
 Vt vota alterius votis contraria pugnant,
 Exitus & rerum sic quoque dissimilis.
 Regna aliena petit crudelis sedit Iberus,
 Ut Sanctum Christi perdat Ovile lupus.
 Sedula cœn Nutrix charissima pignora, Christi
 Illa Gregem, & Populum protegit illa suum.
 Classis Ibera, omni jam formidabilis Orbi,
 Prædatum exierat, præda sed ipsa fuit.
 Est illisa vadis, immixtis ignibus arsit,
 Et periit crebris dilacerata globis.
 At Servatori Soteria debita Christo
 Anglia, servatâ Classe, peregit ovans,
 In nunc, & verbis Angliæ minitare superbis,
 Austriacæ, Hispani froena, jugumque crepa.*

EMB.

EMBLEMA, IN HIS³⁵
PANVM, DVM SVO MALO SEP-
TENTRIONALE NOSTRI PORTVS

Propugnaculum per prodicionem occupa-
re conatur, desumptum ex versu

15. Psal. 7.

*Dum miser hic sudat, scrobem quò fodiat altam,
In quam viator irruat,
Præcipitem trahit ipsa hominem, subitâque ruinâ
Oppressus ipse en jacet.
Dum nobis portum parat intercludere Iberus,
Dolis miser perit suis.*

ALIVD DE CONFIDENTIA. FIDE-
lium, desumptum ex versu 12. Psal. 5.

*Prevalido armatus clypeo nullum timet hostem,
Et flocci miles spicula missa facit.
Nos licet adversus insurgant millia multa,
Imò homines quotquot totus hic Orbis habet.
Intrepidi vanos ridemus, Christe, furores,
Tanta Tuis Spes est in bonitate tua.*

ALIVD, DE VANIS HOMINVM AD-
versus Christum, ejusque Ecclesiam conatibus,
desumptum ex Psal. 2.

*Quid Dominum contra Reges insurgitis? Illa
Consilia & tandem quid sibi vestra volunt?
Ictu vel minimo figulus diffringit ut ollas,
E fragili fictas, axe rotante, luto.
Non aliter solo vel nutu, quum lubet, omnes
Vos miseros perdet Maximus ille Deus.*

E iiiij

ALIVD

ALIVD IN EANDEM SENTENTIAM DESVM:

tum ex vers. 4. Psal. 1.

Surgentem palea quamvis rapiuntur ad auram,

Nec rabiem venti sustinuisse valent.

Non foret iratum Domini gens impia vultum,

In nihilum illius tota redacta manu.



